


նում, մէկը՝ թիւ 469, Զմմառի վանքի գրադարանում, երկուսը՝ թիւ 521, Երուսաղէմի Սուրբ Յակոբեանց վանքի գրադարանում, մէկը՝ թիւ 5458, Լոնդոնում՝ Բրիտանական թանգարանում եւ եւս մէկը՝ թիւ 229, Ֆրանսիայի ազգային գրադարանում: Ըստ դարերի՝ «Տարեգրքի» ընդօրինակութիւնների դասդասումը հետեւեալն է. ԺԳ.-ԺԴ.

դդ.՝ 1, ԺԴ.-ԺԵ. դդ.՝ 1, ԺԶ. դ.՝ 2, ԺԺ. դ.՝ 10 օրինակ: Տարբեր ընդօրինակութիւններում բուն «Տարեգրքի» կամ շարունակութեան աւարտի թուականները հետեւեալ պատկերն ունեն. 1272 թ. աւարտուող օրինակների թիւը՝ 1, 1327 թ.՝ 1 (պատանիկ)՝ 1331 թ.՝ 12:

**Սմբատ Սպարապետի «Տարեգրքի» ձեռագրերի ճիւղագրութիւնը**



**ԳՐԻԳՈՐ ՄԱԳԻՍՏՐՈՍԸ ԵՒ ԿԱԹՈՂԻԿՈՍԱԿԱՆ ԱԹՈՌԻ ԱՆՅՈՒՄԸ ՊԱՀԼԱՒՈՒՆԻՆԵՐԻՆ**

Կարէն Սաթեղոսեան

Անիի Բագրատունեաց թագաւորութեան պատմութիւնը հանգամանօրէն ուսումնասիրուել է հիմնականում քաղաքական իրադարձութիւնների տեսանկիւնից, իսկ ԺԱ. դարի 20-40-ական թուականների դէպքերը՝ յատկապէս պետութեան արտաքին յարաբերութիւնների համատեքստում, քանի որ այդ ճգնաժամային շրջանն ի վերջոյ աւարտուեց թագաւորութեան անկմամբ՝ Անիի բիւզանդական զաւթումով: Շատ հետաքրքրական էր նաեւ այդ ժամանակաշրջանում Անիի՝ հասարակական յուզումներով ու հակասութիւններով լի ներքաղաքական կեանքը: Յիշեալ իրադարձութիւնների ժամանակ առաջնային դեր բաժին ընկաւ Հայոց եկեղեցուն եւ նրա առաջնորդ Պետրոս Ա (յետագայում՝ Գետադարձ մականուանում) կաթողիկոսին (1019-1054 թթ.):

Յայտնի է, որ կաթողիկոսական աթոռի վրայ Պետրոսին յաջորդեց քրոջ որդին՝ հէնց նրա ձեռքով օծուած Խաչիկ Ա Անեցին (1054-1065 թթ.): Դրանից յետոյ բիւզանդացիները փորձեցին արգելել նոր կաթողիկոսի ընտրութիւնը, սակայն հայ ազնուականութեան ջանքերով այն տեղի ունեցաւ, եւ կաթողիկոս դարձաւ Պահլաւունեաց տոհմից Գրիգոր Մագիստրոսի որդի Վահրամը՝ ձեռնադրութեան ժամանակ ստանալով Գրիգոր անունը, իսկ աւելի ուշ՝ Վկայասէր մականունը (1066-1105 թթ.): Նրա աթոռակալութեամբ Հայոց կաթողիկոսների յաջորդականութեան մէջ տեղի ունեցաւ մի էական փոփոխութիւն. կաթողիկոսական աթոռը համարուեց տոհմական, եւ Պահլաւունիները, ովքեր ներկայանում էին իբրեւ Հայոց առաջին հայրա-

պետ Սուրբ Գրիգոր Լուսաւորչի տոհմակիցներ, սկսեցին ժառանգականութեան սկզբունքով բազմել կաթողիկոսական գահին: Այդ երեւոյթը շարունակուեց շուրջ մէկուկէս դար:

Ներկայ ուսումնասիրութիւնը նուիրուած է այն խնդրին, թէ ինչպէս դեռեւս ԺԱ. դարի 20-40-ական թուականներին Անիի թագաւորութեան մէջ կարեւոր դերքի հասած Պահլաւունեաց իշխանական տոհմի ներկայացուցիչները նպատակադրուած շարժում սկսեցին կաթողիկոսական աթոռին տիրելու համար: Կարելի է ասել, որ այն մի ուշադրաւ հեռագնայ ծրագիր էր՝ իր որոշակի դրդապատճառներով ու հիմնաւորումներով: Ուղղակի եւ անուղղակի փաստերը ցոյց են տալիս, որ այդ գործընթացի նախահիմքերը դրեցին Անիի թագաւորութեան ազդեցիկ գործիչներ սպարապետ Վահրամ Պահլաւունին եւ նրա եղբայր Աբլղարիբ մարզպանը, իսկ բուն ծրագրի հեղինակը վերջիններիս եղբորորդի Գրիգոր Մագիստրոս Պահլաւունին էր:

**ԿԱԹՈՂԻԿՈՍԱԿԱՆ ԱԹՈՌԻ ԹՈՒԼԱՑՈՒՄԸ ՊԵՏՐՈՍ Ա-Ի ԺԱՄԱՆԱԿ**

Քննուող ժամանակաշրջանում թէ՛ Հայոց պետութեան եւ թէ՛ եկեղեցու կեանքում տեղի էին ունենում աննախադէպ իրադարձութիւններ: Նախ՝ Գագիկ Ա-ի (989-1017 թթ.)<sup>1</sup> մահից յետոյ նրա որդի-

<sup>1</sup> Գագիկ Ա Բագրատունու մահուան թուականը հայագիտութեան մէջ ընդունուած է 1020-ը: Կ. Իւզբաշեանը որոշ սկզբնաղբիւրների վկայակոչմամբ այն համարում է 1017-ը (К. Юзбашян, Армянские государства эпохи Багратидов и Византия IX-XI вв., Москва, 1988, с. 156-157):

ների՝ աւագութեան կարգով գահը ժառանգած, պատմիչ Արիստակէս Լաստիւերցու բնորոշմամբ «մարմնով հաստի եւ յոյժ թանձր», բայց խելացի Յովհաննէս Սմբատի եւ «քաջասիրտ» Աշոտի միջեւ ժառանգութեան հարցում հակառակութիւն է ծագում («սոքա ընդ միմեանս անկեալք հակառակութեամբ վասն բաժնից երկրին՝ կարօտացան իրաւանց եւ դատաստանի»)²: Առաջին անգամ, հաւանաբար հէնց 1017 թ., որպէս եղբայրների հաշտեցման միջնորդ հանդէս է գալիս Վրաց Գէորգի Ա (1014-1027 թթ.) թագաւորը: Որոշում է Յովհաննէս Սմբատին աւագութեան համար տալ Անին եւ նրա շրջակայ գաւառները, իսկ Աշոտին՝ «գներքին կողմն աշխարհին, որ հայի ի վերայ Պարսից եւ Վրաց»³: Բանակցութեան աւարտից յետոյ, երբ Յովհաննէս Սմբատը Անի էր ճանապարհուել, Աշոտի իշխաններից մէկը Գէորգիին բողոքում է, որ Յովհաննէս Սմբատը զաւթել է իրեն պատկանող Շատիկ բերդը: Զայրանալով Գէորգին ուղարկում է իր զինուորներին, որոնք իջեւանատանը բռնում ու իրենց թագաւորի մօտ են բերում Յովհաննէս Սմբատին, նրան ուղեկցողներին էլ հալածում են, քշում մինչեւ Անի: Գէորգին Յովհաննէս Սմբատին փակի տակ է պահում, ապա նրանից երեք բերդ առնելով՝ բաց թողնում:

Ըստ նոյն պատմիչի՝ Աշոտը, ով իր բաժին տարածքներին ամբողջովին տիրե-

Այս թուագրման օգտին են խօսում նաեւ այլ տուեալներ: Տե՛ս Կ. Մաթեոսեան, *Անի-Օհրակի պատմութեան էջեր*, Երեւան, 2010, էջ 22-26. Սամուէլ Անեցի եւ շարունակողներ, *Ժամանակագրութիւն*, աշխատասիրութեամբ Կ. Մաթեոսեանի, Երեւան, 2014, էջ 182, 389-390 (այսուհետեւ՝ Սամուէլ Անեցի եւ շարունակողներ):

2 Պատմութիւն Արիստակիսի Լաստիւերցու, աշխատասիրութեամբ Կ. Իւզբաշեանի, Երեւան, 1963, էջ 27 (այսուհետեւ՝ Արիստակէս Լաստիւերցի):  
3 Նոյն տեղում:

լու խնդիր ունէր, ուղեւորում է կոտանդնուպոլիս, արժանանում կայսեր բարեհաճութեանը, նրանից օգնական զօրք ստանում եւ վերադառնալով՝ տիրում զաւառներին ու բերդերին, եւ մեծապէս զօրանում: Հաւանաբար հէնց բիւզանդացիների զրգմամբ Աշոտը 1021 թ. սկզբներին երկրորդ անգամ է փորձում տիրանալ Անիին:

Սակայն մինչ այդ Անիում նախադէպը չունեցող մի իրադարձութիւն էր տեղի ունեցել. 1019 թ. Հայոց կաթողիկոս Սարգիս Ա Սեւանցու (990-1019 թթ.) կենդանութեան օրօք, հէնց նրա ձեռքով, կաթողիկոսական ձեռնադրութիւն էր ստացել Պետրոս Ա-ն: Ինչպէս ցոյց են տալիս յետագայ դէպքերը, կաթողիկոսների աւանդական յաջորդականութեան ընդունումը կարգը (երբ կաթողիկոս էր ընտրւում միայն նախորդի մահից յետոյ) խախտւում էր Յովհաննէս Սմբատի ցանկութեամբ ու ձեռնադրւած չէր ձեռնադրւած ու երկրի գործերից մի կողմ քաշուած Սարգիս կաթողիկոսի աթոռակալութիւնը, ով չէր կարողացել (կամ չէր ցանկացել) միջնորդ ու հաշտարար դառնալ թշնամացած եղբայրների միջեւ⁴: Թերեւս այդ պատճառով էլ գործը միջամտել էր Վրաց թագաւորը, ով, ինչպէս տեսանք, նուաստացուցիչ կերպով վարուել Յովհաննէս Սմբատի հետ:

Կաթողիկոսական աթոռին կոչելով գործունեայ Պետրոսին, ով ծագում էր գաւառէն Շիրակայ, յազատ տանէ... ի մեծաց եւ պատւաւորաց ի Կամրջաձորոյ, է ի յերկիրն Անույ...»⁵, Յովհաննէս Սմբատն ակնկալել է վստահելի միջնորդ

4 Կ. Մաթեոսեան, *Անի-Օհրակի պատմութեան էջեր*, էջ 25-27: Սարգիս կաթողիկոսը քաշուել է Անիի մերձակայ Հոռոմոսի վանք, որտեղ մահացել է 1022 թ.:  
5 Նախկինում հայագետներին ծանօթ չի եղել տեղեկութիւնը, որը պահպանուել է 1404 թ. Մատրնատիրում (Մատենադարան, ձեռ. թիւ. 152 թերթ 30բ):

հաշտարար ունենալ Աշոտի նոր ընդվզման ժամանակ: Նրա այդ սպասումն իրականացաւ շատ շուտով, երբ Աշոտն, իր զիրքերն ամրապնդելով, մի մեծ զօրքի գլուխ անցած՝ մօտեցաւ Անիի պարիսպներին: Պատմիչ Մատթէոս Ուռհայեցին գրում է, որ տեղի ունեցած ճակատամարտում անեցիները ծանր պարտութիւն ու կորուստներ կրեցին, եւ այդ ժամանակ հաշտարար առաքելութեամբ հանդէս եկաւ Պետրոս կաթողիկոսը. «Հայրապետն Պետրոս եւ իշխանքն ամենայն ելին առ Աշոտ եւ մեծաւ երդմամբ նստուցին զԱշոտ Դրուց աշխարհին՝ թագաւոր ամենայն Տանն Հայոց, եւ Յովհաննէս նստցի թագաւոր ի քաղաքն Անի. եւ եթէ մեռցի Յովհաննէս, Աշոտ լիցի թագաւոր ամենայն Տանն Հայոց»⁶:

Ինչպէս տեսնում ենք, այս նոր հաշտութեան արդիւնքում Աշոտի ռազմական յաղթանակը նրա համար ապահովել է թագաւորական տիտղոս եւ Յովհաննէս Սմբատի մահից յետոյ Անիում գահակալելու իրաւունք⁷:

Այս շրջանում բիւզանդացիները, ծրագրուած կերպով ինքնուրոյնութիւնից զրկելով եւ զաւթելով հայկական իշխանութիւններն ու թագաւորութիւնները (Տարօն, Տայք, Վասպուրական), հերթական թիրախ են դարձնում Անին: 1021 թ. Վասիլ Բ (976-1025 թթ.) կայսրը արշաւանք է սկսում ըմբոստացած Վրաց Գէորգի Ա թագաւորի դէմ, աւերածութիւններ գործում Տայքում

6 Մատթէոս Ուռհայեցի, էջ 14:  
7 Զարմանալի է, որ Յովհաննէս Սմբատի եւ Աշոտի ընդհարման ու հաշտեցման այս երկու միանգամայն տարբեր դէպքերը (որոնք տարբերում են ընթացքով, հաշտեցման միջնորդներով եւ դրանից յետոյ կողմերից իրաքանչիւրի ստացածով) «Հայ ժողովրդի պատմութեան» ակադեմիական հրատարակութեան մէջ ներկայացւում են որպէս մէկ դէպք: Տե՛ս Հայ ժողովրդի պատմութիւն, հտ. III, Երեւան, 1976, էջ 144, Հայ ժողովրդի պատմութիւն, հտ. II, գիրք երկրորդ, Երեւան, 2014, էջ 158:

եւ յարակից տարածքներում, ապա ձմեռելու համար գնում Սեւ ծովի ափ՝ Տրապիզոն: Յովհաննէս Սկիլիցէսը գրում է, որ Յովհաննէս Սմբատը զինակցութիւն էր ցուցաբերել Վրաց թագաւորին⁸ (հայկական աղբիւրները նման տեղեկութիւն չունեն), որի պատճառով կայսրը նրանից պահանջում է Անին: Պետրոս կաթողիկոսը մէկ տարուայ մէջ արդէն երկրորդ անգամ դառնում էր Յովհաննէս Սմբատի բանագնացը: Տրապիզոնում կայսեր հետ Պետրոսի հանդիպման մասին Արիստակէս Լաստիւերցին գրում է. «Յովհաննէս պատուէր տուեալ էր հայրապետին, եթէ գրէ գիր եւ տուր կտակ թագաւորին զի յետ իմոյ վախճանին՝ զիմ քաղաքս եւ զերկիրս նմա տաց ի ժառանգութիւն»⁹:

Թէեւ Յովհաննէս Սմբատի կտակի պատասխանատուն թագաւորն ինքն էր, բայց, ինչպէս երեւում է, նրա եւ կաթողիկոսի միջեւ այդ շրջանից սկսած հակասութիւններ են ծագում: Թերեւս դրան նպաստում է նաեւ Պետրոսի վարքը, որի մասին Արիստակէս Լաստիւերցին գրում է. «Յոյժ գանձուց սիրօղ էր Պետրոս, որ և բազումք վասն այնր եպերէին զնա»¹⁰:

1033 թ., Բրիտանոսի խաչելութեան 1000-ամեակին, տեղի է ունենում արեւելի խաւարում¹¹, որը մեծ տպաւորութիւն է թողնում ժամանակակիցների վրայ: Թագաւորն ու կաթողիկոսն Անիից յատուկ պատուիրակութիւն են ուղարկում Սեւանի վանք՝ Յովհաննէս Կոզեռն վարդապետի մօտ՝ կատարուածի մեկնաբանութիւնն իմանալու համար: Վերջինս կանխատեսում է մօտալուտ բազում դժբախտութիւններ,

8 Յովհաննէս Սկիլիցէս, թարգմանութիւն բնագրից, սուաչարան եւ ծանօթագրութիւններ Հ. Բարթիկեանի, Երեւան, 1979, էջ 146-147:  
9 Արիստակէս Լաստիւերցի, էջ 32:  
10 Նոյն տեղում, էջ 82:  
11 Արեւի խաւարումը եղել է յունիսի 29-ին: Տե՛ս Բ. Թումանեան, Հայ սաստիագիտութեան պատմութիւն, Երեւան, 1968, էջ 138-139:

որպես հետեւանք բարքերի համընդհանուր անկման ու անբարեպաշտութեան քննադատելով անգամ եկեղեցու առաջնորդին<sup>12</sup>: Նոյն թուականին Պետրոս կաթողիկոսը, ընդհարուելով Յովհաննէս Սմբատի հետ, ծածուկ թողնում է Անիի իր աթոռը եւ տեղափոխուում կայսրութեան տիրապետութեան տակ անցած Վասպուրականի Ձորավանք՝ այստեղ մնալով աւելի քան երեք տարի: Այն փաստը, որ Պետրոսը, Յովհաննէս Սմբատից կամ անեցիկներից դժգոհելով, չի գնում Աշոտ Դ-ի կամ հայ միւս գահակալների մօտ, այլ ապաւինում է կայսերական կուսակալին, վկայում է հակամարտութեան բաւականին լուրջ պատճառների մասին:

Թագաւորի ու աւագանու պահանջով եւ Վասպուրականի բիւզանդական կուսակալի միջամտութեամբ 1036 թ. Պետրոսը վերադառնում է Անի, բայց քաղաք գալուց յետոյ, կարճ ժամանակ անց, թագաւորի հրամանով ձերբակալուում ու արգելափակուում է Բջնիում: Նոյն տարուայ վերջերին մայրաքաղաքում գումարուում է եկեղեցական ժողով, որը Պետրոսին համարում է աթոռանկ եւ կաթողիկոս է ձեռնադրում Սանահինի վանքի առաջնորդ Դէոսկորոսին: Նման որոշման կայացման համար Պետրոսի դէմ արուած մեղադրանքները պէտք է որ շատ զօրաւոր եղած լինեն (թէեւ ստոյգ յայտնի չէ, թէ որոնք էին դրանք), բայց վճռորոշ էր նաեւ Յովհաննէս Սմբատի դիրքորոշումը:

Դէոսկորոսը, ում մասին պատմիչները հիմնականում դրուատանքով են խօսում, Անիում նոր եպիսկոպոսներ է ձեռնադրում, առաջ քաշում Պետրոսի կողմից մերժուածներին: Սակայն հայ աւանդա-

պահ հոգեւորականութիւնն ըմբոստանում է Անիում կայացուած որոշման դէմ<sup>13</sup>: Արքունիքը ստիպուած է լինում տեղի տալ մէկ տարի եւ երկու ամիս գահակալելուց յետոյ Դէոսկորոսն աթոռանկ է արւում, վերադարձուում Սանահին, եւ կաթողիկոսական աթոռին 1038 թ. վերջերին վերահաստատուում է Պետրոսը:

Այսպիսով, Պետրոս Ա-ի աթոռակալութիւնը սկսուեց կաթողիկոսների յաջորդականութեան աւանդական կարգի խախտմամբ, քաղաքական լարուած պայմաններում, այնուհետեւ ընթացաւ նրանկատմամբ եղած հասարակական դժգոհութեան մթնոլորտում, թագաւորի հետ առաջացած տարաձայնութիւնների պայմաններում, որոնք անգամ յանգեցրին ժամանակաւոր աթոռանկութեան:

**ՊԱՅԼԱԲՈՒՄՆԵՐԻ ԵՒ ԿԱԹՈՂԻԿՈՍԻ ՅԱՐԱԲԵՐՈՒԹԻՒՆՆԵՐԸ**

Պետրոս Ա-ի ժամանակ Պահլաւունեաց տոհմը ծանրակշիռ ներկայութիւն ունէր Անիի արքունիքում: Ժ. դարում ապրած Արտակ Կամսարեանի որդին էր Աբուղամբը, ում անունով Անիում յաճախ բուղամբեց են կոչել տոհմի ներկայացուցիչներին. օրինակ՝ նրա որդի Գրիգորը Անիում կառուցած եկեղեցին դեռ միջնադարում յիշատակուում է Աբուղամբեց Գրիգոր անունով<sup>14</sup>: Աբուղամբի որդի Գրիգորի երեք զաւակներից սկսուում է արդէն զօրացած տոհմի ճիւղաւորումը՝ Վահ-

12 «...յայնմ հետէ բագում հերձուածք մտանն յեկեղեցի Աստուծոյ ի ծովութենէ հայրապետաց, վասն զի թուլամորթիցն եւ տկարաման եւ հաւատոյ քննութիւն ոչ առնեն եւ կան յիմարեալք: Յաղաքս արծաթոյն թողում ի բաց զհաւատն...» (Մատթէոս Ուոհայեցի, էջ 78):

13 Մատթէոս Ուոհայեցի գրում է. «Եպիսկոպոսքն եւ վարդապետքն Հայոց աշխարհի»՝ գոպիլիք փակեցին զթագաւորն եւ զամենայն անպատարսն Հայոց՝ վասն հակառակութեանն, որ եղեց ի մէջ եկեղեցոյն» (Մատթէոս Ուոհայեցի, էջ 86):

14 Բագնայրի 13-րդ դարի արձանագրութիւններից մէկում նուիրատունն գնում է, որ վանքին նուիրուած իր գանձագին տունն Անիում գտնուում էր «մասնաւոր ի յԱպուղամբեց Սուրբ Գրիգոր» (Ն. Սարգսյան, Տեղագրութիւնք ի Փոքր եւ ի Մեծ Հայքի վեցնետիկ, 1864, էջ 181):

րամ, Վասակ, Աբլղարիբ<sup>15</sup>: Նրանք բոլորն էլ բարձր դիրք էին զբաւում Անիի թագաւորութեան մէջ: Վահրամը իշխանաց իշխան էր, յետագայում դարձաւ սպարապետ, Վասակը նոյնպէս յիշատակուում է որպէս իշխանաց իշխան, Աբլղարիբը՝ մարզպան: Այս երեք գործիչներն էլ ապրել են Պետրոս Ա-ի աթոռակալութեան շրջանում: Վասակը 1021 թ. երկիր ներխուժած ասպատակիչների դէմ կռուից յետոյ թիւրիմացաբար սպանուում է հայ գիւղացիների ձեռքով (նրան ասպատակիչներից մէկի տեղն էին դրել), եւ նրա իշխանութիւնն անցնում է որդուն՝ Գրիգոր Բջնեցուն: Վերջինս 1045 թ. բիւզանդացիներից մագիստրոսութեան պատուաստիճան է ստացել եւ առաւելապէս յայտնի է Գրիգոր Մագիստրոս անունով:

Այս երեք գործիչներն էլ, բնականաբար, որոշակի յարաբերութիւնների մէջ են եղել կաթողիկոսի հետ: Այս մասին պատմիչների երկերում վկայութիւններ չեն պահպանուել: Այնուամենայնիւ, հայ պատմագրութեան մէջ ընդունուած տեսակէտ է, որ Բագրատունեաց թագաւորութեան խոր ճգնաժամի շրջանում՝ 1041-1045 թթ., առանձնապէս լարուած են եղել Վահրամ Պահլաւունու եւ Պետրոս կաթողիկոսի յարաբերութիւնները: Նրանցից առաջինն աւանդաբար համարուում է «հայրենասէր» խմբակցութեան պարագլուխ,

երկրորդը՝ Վեստ Սարգսի հետ՝ «բիւզանդասէր» խմբակցութեան<sup>16</sup>: 1020-30-ական թուականների վիմագրերը թույլ են տալիս որոշ ենթադրութիւններ անել Պահլաւունի յիշեալ գործիչների եւ Պետրոս կաթողիկոսի յարաբերութիւնների վերաբերեալ:

Առաջինը Վահրամ Պահլաւունու՝ Ամբերդի 1026 թ. արձանագրութիւնն է, որը վերաբերում է տեղի կաթողիկէ եկեղեցու կառուցմանը, բայց նաեւ աւելի հանգամանակից նշուում է այստեղ եկեղեցական վարչատարածքային միաւոր ստեղծելու եւ նրա մէջ ներառուած Նիգ եւ Արագածոտն գաւառների ու Քաղաքաղաշտի (Վաղարշապատ) բնակավայրերից այդ աթոռի օգտին գանձուող հարկերի մասին: Հայագէտների աւագ սերունդներին հիմնականում անծանօթ է մնացել այս ուշագրաւ արձանագրութիւնը, որի սկիզբը հետեւեալն է. «Ամին Նշե (1026) եւ՝ իշխանս Վարհամ շինեցի զկաթողիկես, այթոռ հարապետական եւ սահմանեցի պտուղ Նիգի տունն բ (2) կապիճ ց[ո]ր[եան], յԱրագածոտնէ՝ յէգին բ (2) փաս գի[նի] ի Քաղաքողաշտի բարակն՝ ժ (10) լիտր...»<sup>17</sup>:

Արձանագրութեան հրատարակիչներն անդրադարձել են այս վիմագրի տեղեկութիւնների՝ տուեալ ժամանակի եկեղեցական ու տնտեսական պատմութեան համար ունեցած կարեւոր արժէքին<sup>18</sup>: Մեզ, սակայն, աւելի շատ հետաքրքրում է այն

15 Բացի Աշուածներից, Գրիգորի զաւակներից վաղ հասակում մահացել են Համգէն եւ Սեդան: Աբլղարիբին հայրը չի տեսել, քանի որ ծնունդ է հօր մահից յետոյ, դրա համար արձանագրութիւններից մէկում նա գրում է. «Թէպէտ եւ անտես էի ի հարե իմէ յաղազս կրսերութեան» (Դիւան հայ վիմագրութեան, ար. Ս. կապիճ Զ. Օրբէլի, Երեւան, 1966, էջ 33): Գրիգորը երկամուն ունէր՝ Գրիգոր Համգէ: Նա, ըստ Գրիգոր Մագիստրոսի, մահացել է 40 տարեկանում, երբ նրա կինը (Շուշանը) 30 տարեկան էր. տե՛ս Գ. Մորադեան, Գրիգոր Մագիստրոսի մատենագրութիւնը. Մատենագիրք Հայոց, հտ. ԺԶ, Երեւան, 2012, էջ 261 (այսուհետեւ՝ Մատենագիրք Հայոց, ԺԶ):

16 Լէո, Անի, Երեւան, 1963, էջ 325. Թ. Յակոբեան, Անիի պատմութիւն, Երեւան, 1980, էջ 351. Վ. Վարդանեան, Պահլաւունիները Հայոց պետականութեան եւ հոգեւոր անկախութեան պահպաններ, Երեւան, 2008, էջ 41 եւ այլն:

17 Է. Տէր-Մինասեան, Ամբերդաձորի արձանագրութիւնները. «Էջմիածին», 1961, Ե. էջ 50-51. Ս. Աւագեան, Վիմակաւ արձանագրութիւնների բառարանութիւն, Երեւան, 1978, էջ 17. Ս. Յարութիւնեան, Անբերդ, Երեւան, 1978, էջ 55: Առաւել յստակ վերծանութիւնը (գրչանկարով) բերում է Սուրբ Աւագեանը: Այս եւ յաջորդ մէջբերումներում ընդգծումները մերն են - Կ. Մ.:

18 Ս. Աւագեան, Աշ. աշխ., էջ 18. Ս. Յարութիւնեան, Աշ. աշխ., էջ 55:

Հարցը, որ, փաստորէն սոյն արձանագրութիւն-հրամանագրով հիմնուած է եկեղեցական վարչատարածքային միաւոր՝ ըստ վիմագրի՝ «աթոռ հայրապետական»<sup>19</sup>, որը կարելի է նաեւ պայմանականօրէն եպիսկոպոսութիւն անուանել, նկատի ունենալով նրա պատկառելի տարածքային ընդգրկումը: Իսկ որպէս այն հիմնող՝ հանդէս է գալիս աշխարհական իշխանը, ընդ որում՝ արձանագրութեան մէջ չի նշուած անգամ ժամանակի կաթողիկոսի անունը:

Վահրամ Պահլաւունու եւ Պետրոս կաթողիկոսի յարաբերութիւնների լարուածութեան մասին շատ աւելի խօսուեն է Ամբերդի եկեղեցու կառուցումից ընդամէնը երեք տարի անց՝ 1029 թ. Մարմաշէնում գրուած ընդարձակ շինարարական արձանագրութիւնը, որի սկիզբը հետեւեալն է. «Շնորհիւն Ա[ստուծոյ] եւ Վահրամ իշխանաց իշխան եւ անթիպատ պատրիկ, որդի Գրիգորի իշխանի Հայոց Մեծաց, ի ցեղէ Պահլաւունի եւ ի զարմից Սրբոյն Գրիգորի, Հայոց լուսաւորչի, որ յաղագս ի Քրիստոս յուսոյն հիմնադրեցի զսուրբ եւ զտիեզերական ուխտս Մարմաշէն, սկսեալ ի ՆԼԵ (988) թուականին Հայոց... մինչեւ ի ժամանակս Յովնիսի, որդւոյ Գագկայ Հայոց շահանշահի՝ առն իմաստնոյ, շինողի եւ խաղաղարարի, եւ ի թուականիս հայոց ՆԶԸ (1029): Եւ կատարեցաք մեծ ջանիւ եւ բազում ծախիւք, եւ եւ մայր իմ՝ Շուշիկ, Հայոց տիկնաց տիկին, եւ եղբարք իմ՝ Վասակ իշխանաց իշխան, որ նահատակեցաւ ի թուրքաց պատերազմի, եւ Աբխազիք Հայոց մարզպան...: Շինեցաք եւ այլ բազում եկեղեցիս եւ վանորայս, բայց զտեղի

19 Բնագրում՝ «հարապետական»: Ըստ Ս. Աւագեանի՝ «հաւանաբար այստեղ նշուած հայրապետական աթոռը պէտք է հասկանալ իբրեւ եպիսկոպոսական աթոռ, իսկ սահմանուած հարկերն ու հոգւետր արարողութիւնների դիմաց հաւաքուող տուրքերը իբրեւ այդ աթոռի օգտին գանձուող հասոյթներ...» (Ս. Աւագեան, նշ. աշխ., էջ 18):

հանգստեանս մերոյ առաւել պատուով մեծացուցաք...»<sup>20</sup>:

Այստեղ առաջին իսկ հայեացքից ուշադրութիւն է գրաւուած այն հանգամանքը, որ ի տարբերութիւն եկեղեցաշինական նմանատիպ հանդիսաւոր արձանագրութիւնների, այստեղ բացակայում է կաթողիկոսի անունը: Վահրամը դովասանքներ է շուայլում Յովհաննէս Սմբատ թագաւորին՝ նրան կոչելով իմաստուն, շինարար եւ խաղաղարար, փառաբանական ոճով ներկայացնում իր տոհմն ու տոհմակիցներին՝ մեծ աւանդը, սեփական եկեղեցաշինական ձեռնարկները, իսկ Պետրոս կաթողիկոսի անունը, փաստորէն, մոռացութեան տրուում:

Երկրորդ աչքի դարնող հանգամանք այն է, որ Վահրամն իրեն անուանում է «ցեղէ Պահլաւունի եւ ի զարմից Սրբոյն Գրիգորի»՝ Հայոց լուսաւորչի...»: Այսպիսի պնդումն տուեալ ժամանակի համար կարելի է պատկերացնել արտառոց համարել, քանի որ տոհմական եւ ժառանգական իրաւունքներն առաջնահերթութեան այդ դարաշրջանում այն պէտք է ընկալուէր որպէս բացայայտ յաւակնութիւն կաթողիկոսական աթոռի նկատմամբ: Հարկ է ընդգծել, որ ժ. դ. 10-րդում հանդէս եկած այս տոհմը Պահլաւունի անունով այստեղ նշուած է առաջին անգամ<sup>21</sup>:

20 Արձանագրութիւնն ունեցել է բազմաթիւ հրատարակութիւններ. տե՛ս Ա. Մխիթարեանց, Պատմութիւն Մարմաշէնոյ վանաց ի Օրորատի վաղարշապատ, 1870, էջ 9-11. Հ. Ղ. Ալիշան, Օրորատի վանքի պատմութիւն, 1881, էջ 148, «Յուշարձան Օրորատի», Բ. Երեւան, 1993, էջ 160-161. Ս. Արամյան, Մարմաշէնի վանքը, Ս. Էջմիածնի, 1998, էջ 12 եւ այլն:

21 Նախկինում համարուած էր, որ 1004 թ. իր Պատմութիւնն աւարտած Ստեփանոս Տարօնցիի ստղիկն է առաջին անգամ օգտագործել Պահլաւունի տոհմանունը Վահրամ իշխանի վերաբերմամբ, սակայն պարզուեց, որ տոհմանունը արձանակող փոքր հատուածը յետագայի (ժ. դ. 11-րդ) յատկուած է Աստղիկի Պատմութեան մէջ (տե՛ս Մաթեոսեան, Յոհան Գրչի ընդօրինակումը):

Ամբերդի եւ Մարմաշէնի արձանագրութիւնները ենթադրել են տալիս, որ Վահրամ Պահլաւունու եւ Պետրոս կաթողիկոսի միջեւ լուրջ հակասութիւն է եղել: Թէեւ պատմիչներն այդ մասին լուրս են, սակայն դարձեալ վիմագրական նիւթի շնորհիւ կարող ենք տեսնել այս հակադրութեան մասնակի մեղմացումը: Պէտք է ենթադրել, որ Պետրոսը բաւականին անյարմար, որոշ իմաստով՝ մեկուսացած կացութեան մէջ է յայտնուել, ուստի պիտի փորձէր շտկել իրավիճակը: Ինչպէս երեւում է, նա գտել է Ամբերդի աթոռի Հարցի լուծման փոխզիջումային տարբերակ: Այս մասին կարելի է դատել Բջնիի 1031 թ. արձանագրութիւնից, որը վերաբերում է տեղի Ս. Աստուածածին եկեղեցու կառուցմանն ու նաեւ կաթողիկոսական ու թագաւորական յատուկ հրամանագրով՝ Բջնիի եպիսկոպոսութեան հիմնադրմանը: Ինչպէս յայտնի է, Բջնիի Վահրամ Պահլաւունու եղբոր՝ 1021-ին սպանուած Վասակի նստոցն էր, որն անցել էր նրա որդուն՝ Գրիգորին (Մագիստրոս): Հօր մահուան 10-ամեայ տարելիցին Գրիգորն աւարտում է Բջնիի Ս. Աստուածածին եկեղեցու կառուցումը, որի օծման ժամանակ տեղի է ունենում նաեւ նորահաստատ եպիսկոպոսական աթոռի հռչակումը:

Արձանագրութեան սկզբում ասուում է. «Թ[ուականիս] ՆԶ: (1031) շնորհիւն Ա[ստուծոյ] այս հրամանք է իմ տ[է]ր Պետրոսի Հայոց կաթողիկոսի, եւ Սմբատայ շահանշահի, որ հաստատեցաք զեպիսկոպոսարան ի Բջնի քաղաք, զս[ուրբ] Ա[ստուծոյ] ծածինս հիմնարկեալ կատարեաց Գրիգոր իշխանաց իշխան, որդի Վասակայ, եւ տուան վիճակ ի Ս[ուրբ] Ա[ստուծոյ] ծածինս ի Փոշէհանից մինչեւ ի Նիգ...»<sup>22</sup>: Այնուհետեւ նշուած են եկեղեց-

պատմական ժողովածուն եւ կատարած յանձնարարքը. «Էջմիածն», 2008, Զ-Է, էջ 102-112):  
22 Հ. Ղ. Ալիշան, Այրարատ, Վեցետիկ, 1890, էջ 273: Արձանագրութեան ճշտուած տեքստը մեզ է

ցու տրուած ընծաներն ու նորաստեղծ թեմի ընդարձակ սահմանները, որի հատուածը, ցաւօք, թերի է պահպանուել, սակայն ընդհանուր պատկերը երեւում է՝ «հաստատեցաք արձանագրով եւ շրջաբերականաւ զսահմանահատ վիճակիս սորայ, որ է արեւելից ի Ծար գետո մինչեւ ի գետ Ախուրեան յԱնու, ի հիւսիսայինս՝ պետս խո...»<sup>23</sup>:

Այսպիսով, Բջնիի 1031 թ. արձանագրութեան մէջ թագաւորի ու կաթողիկոսի անունից պաշտօնապէս ստեղծուած է եպիսկոպոսական աթոռ, որին յատկացուած է Բջնիից ու Նիգ գաւառից մինչեւ Ախուրեան գետն ընկած մի մեծ տարածք: Ուշագրաւ է, որ այս նոր եպիսկոպոսութեան տարածքը ներառում էր Վահրամ Պահլաւունու՝ 1026 թ. Ամբերդի համար որպէս թեմ սահմանուած շրջանը: Կարծում ենք, որ այս քայլով կաթողիկոսը հնարամիտ լուծում է գտել, մի կողմից՝ չէզոքացնելով Վահրամ Պահլաւունու ստեղծած Ամբերդի եկեղեցավարչական միաւորը, միւս կողմից՝ վերջինիս տարածքը ներառելով դարձեալ Պահլաւունիներին (Գրիգոր Բջնեցուն) պատկանող աւելի մեծ միաւորի՝ Բջնիի եպիսկոպոսութեան կազմում:

Այժմ ներկայացնենք վիմագրական տուեալներ, որոնք վերաբերում են կաթո-

տրամադրել Գագիկ Սարգսեանը, ինչի համար շնորհակալութիւն ենք յայտնում:  
23 Գեղեւ Ն. Ղ. Ալիշանը նշում է, որ վիմագրի եղծուած մասերը «անստոյգ» են թողնում թեմի սահմանները, սակայն «որչափ երկի ի բանիդ՝ ձգիւր սահմանն ընդ երկայնն իբրն յարեւելից ծովուն Գեղամայ ցԱխուրեան գետ ե ի հիւսիսոյ՝ ի սահմանաց Գուգարաց մինչև ի հարաւկողմն բնիկ վիճակիս կամ գաւառիս Բջնոյ» (Հ. Ղ. Ալիշան, Այրարատ, էջ 272): Նկատենք միայն, որ հիւսիսարեւելեան կողմի համար նշուած Ծար գետի անունն աւելի որոշակի է դարձնում սահմանը, քանի որ այն սկիզբ է առնում Ծարկուցեաց լեռնաշղթայի լանջերից (Գոռոզ գիւղից 0,5 կմ հիւսիս եւ միախառնում Մարմարիկ գետին, երկարութիւնը կազմում է 10 կմ), այսինքն՝ այն չի հասնում Գեղամայ ծովին:

ղիկոսի եւ Վահրամ Պահլաւունու կրտսեր եղբայր Աբլղարիբի առնչութիւններին: Վերջինս Յովհաննէս Սմբատի արքունիքում մարզպանի պաշտօնն ունէր եւ թագաւորի հրամանով որպէս բանագնաց 1035 թ. մեկնել էր Կոստանդնուպոլիս, որտեղ «մեծածախ գանձիւ» ձեռք էր բերել Փրկչական խաչի մասունք եւ, Անի գալով, կառուցել Ս. Փրկիչ եկեղեցին: Այս մասին նա պատմում է եկեղեցու 1035 թ. արձանագրութեան մէջ, իսկ յաջորդ թուականին գրել է տալիս մէկ այլ՝ աւելի պաշտօնական ոճով արձանագրութիւն՝ այն սկսելով կաթողիկոսի անուամբ. «Յամի ա[սուած] պատիւ եւ հոգեւոր տ[եառ]ն Պետրոսի եւ ի թագաւորութեան Սմբատա...»<sup>24</sup>: Ուշադրութեան է արժանի նոյն 1036 թ. եկեղեցու պատին Պետրոս կաթողիկոսի թողած արձանագրութիւնը: Այն սկսւում է Յովհաննէս Սմբատին նուիրուած փառաբանական խօսքերով, այնուհետեւ կաթողիկոսի անունից ասւում է. «կամ եղեւ ինձ՝ տ[եառ]ն Պետրոսի Հայոց կաթողիկոսի, տալ զայգին Աշնակի, որ ի մեր կորդո արկած էր, ք[րիստո]սասէր մարգարանի Ապղարիպա, որդո Գրիգորո Պալիաւունո»<sup>25</sup>, վասն առաւել սիրոյն եւ երախտեացն, զոր ծառայեալ էր զՍուրբ Լուսաւորչի ա-թո-սիս»<sup>26</sup>:

24 Դիւան հայ վիմագրութեան, պր. Ա., էջ 44:  
 25 Հրատարակութեան մէջ (Դիւան հայ վիմագրութեան, պր. Ա., էջ 48) տոհմանունը նշուած է ՊԱՆԱԿՈՒՆՈՒ, միանշեղ գծանկարից երեւում է, որ վիմագրում գրուած է ՊԱՆԱԿՈՒՆՈՒ: «Պալիաւունո» գրելաձեւը հանդիպում է նաեւ այլ աղբիւրներում (տե՛ս Կ. Մաթեոսեան, Սամուէլ Անեցու Ժամանակագրութեան ձեռագրերը եւ նորայայտ լրացումները, Երեւան, 2009, էջ 62, 180, Սամուէլ Անեցի եւ շարունակողներ, էջ 113, 134. Մատենագիրք Հայոց, հտ. ԺԶ, էջ 139, 140, 487):

26 Արձանագրութեան շարունակութեան մէջ նախ ուղանցում բնորոշումներով խօսւում է այգու մասին, իսկ յաջորդ նախադասութեամբ անցում է կատարում միանգամայն այլ թեմայի: Կաթողիկոսի խօսքերից պարզւում է, որ Աբղարիբը Ս. Փրկիչ եկեղեցու մօտ մի ապարանք է կառուցել («գապարանդ, զոր շինեալ է Ապղարիպա

Այստեղ առաջին հայեացքից տարօրինակ է թւում, որ կաթողիկոսն Աշնակում իր տնկած այգին է նուիրում իշխանին, բայց յետոյ ասւում է, որ իշխանն է իր հերթին այն նուիրում է նորակառուց եկեղեցուն: Սակայն առաւել հետաքրքրական է, որ կաթողիկոսը, նշելով Աբլղարիբի հօրը, նրան կոչւում է Գրիգոր Պահլաւունի: Ինչպէս վերեւում նշեցինք, Վահրամի 1029 թ. Մարմաշէնի արձանագրութիւնից առաջ այս տոհմանունն աղբիւրներում չի հանդիպում: Անիի 1036 թ. կաթողիկոսական վիճաբանութեան Պահլաւունի տոհմանունն արձանագրումը, այն էլ՝ ոչ Պահլաւունու կողմից, որոշ իմաստով կարելի է դիտարկել որպէս այդ անունն պաշտօնականացում, որը կաթողիկոսը թերեւս կատարել է Աբլղարիբի՝ կաթողիկոսական աթոռին մատուցած ծառայութիւնների դիմաց:

Ամփոփելով վիճաբանական նիւթի քննութիւնը մեզ հետաքրքրող հարցի տեսանկիւնից՝ կարող ենք եզրակացնել, որ եթէ Վահրամ Պահլաւունին Պետրոս կաթողիկոսի հետ լարուած յարաբերութիւններ է ունեցել, ապա նրա եղբայր Աբլղարիբը մարզպանն աւելի դիւանագիտօրէն է հարցերին մօտեցել եւ կարողացել է իր շահերն ապահովել: Այս նոյն մօտեցումն է ունեցել նաեւ Գրիգոր Բջնեցին, սակայն աւելի հեռագնայ նպատակներով: Վերջինս, մեր քննած հարցի տեսանկիւնից առանցքային դերակատարութիւն ունեցող գործիչն է, ուստի նրան կ'անդրադառնանք աւելի հանգամանօրէն:

աւ Սուրբ Փրկչիս»), եւ ահա Պետրոսը խստօրէն պատուիրում է, որ այնտեղ բնակուողները, այսինքն՝ եկեղեցու սպասարները, պահպանեն այն եւ Աբղարիբի՝ եկեղեցուն կատարած նորատոնութիւնները, հոգ տանելով եկեղեցու մասին (Դիւան հայ վիմագրութեան, պր. Ա., էջ 48):

ԳՐԻԳՈՐ ԲԶՆԵՑԻՆ ՄԻՆՉԵՒ ՄԱԳԻՍՏՐՈՍՈՒԹԵԱՆ ԱՐԺԱՆԱՆԱԼԸ

Գրիգոր Բջնեցի (Մագիստրոս) Պահլաւունին հայ միջնադարի ամենափայլուն դէմքերից է, ոչ միայն որպէս իշխան՝ քաղաքական-ուղղմական գործիչ, այլեւ աստուածաբան-փիլիսոփայ, ուսուցիչ, զրոյր, բազմակողմանի զարգացած անհատ, ուստի պատահական չէ, որ արժանացել է մեծ թուով ուսումնասիրողների ուշադրութեանը: Հայոց միջնադարեան աշխարհական գործիչների շարքում, որոնց կենսագրութեան մասին հիմնական աղբիւրը պատմագիրների երկերը, վիճաբանական արձանագրութիւններն ու ձեռագրերի յիշատակարաններն են, Գրիգորը միակն է, ով ունի նաեւ մեր օրերը հասած հարուստ նամականի (թղթեր), որի միջոցով բացայայտւում են ոչ միայն նրա կենսագրութեան առանձին մանրամասները, այլեւ՝ անձնական յատկանիշները, այլոց հետ ունեցած յարաբերութիւնները, տարբեր հարցերի նկատմամբ որդեգրած մօտեցումները եւ այլն<sup>27</sup>:

Հէնց սկզբում նշենք, որ հայագիտութեան մէջ Գրիգոր Բջնեցու յատկապէս վաղ շրջանի գործունէութեան մասին հրապարակումներում առկայ է մի թիւրիմացութիւն. նրան երբեմն շփոթում են Հասանի որդի Գրիգոր Մագիստրոսի հետ՝ մի իշ-

27 Գրիգոր Մագիստրոսի թղթերը, բնագիրն յառաջաբանով եւ ծանօթագրութիւններով առաջին անգամ ի լոյս ընծայեաց Կ. Կոստանեանց, Աղեքսանդրապոլ, 1910, էջ 3-244. Մատենագիրք Հայոց, հտ. ԺԶ, էջ 139-385: Գրիգոր Մագիստրոսի մասին տե՛ս նաեւ Հ. Ղ. Ալիշան, Ծնորհալի եւ պարագայ իր, Վեճեփիկ, 1873, էջ 8-14. Ն. Ակիմեան, Ներսէս Լամբրոնացի, Վիեննա, 1956, էջ 329-372. Լ. Խաչերեան, Գրիգոր Պահլաւունի Մագիստրոս, Լոս Անճելէս, 1987, էջ 19-146. Ս. Մխիթարեան, Գրիգոր Մագիստրոսի կենսը եւ գեղարուեստական ժառանգութիւնը, Երեւան, 2001, էջ 5-44. Վ. Վարդանեան, Պահլաւունիները Հայոց պետականութեան եւ հոգեւոր անաղարտութեան պահպանմանը, Երեւան, 2008, էջ 55-90 եւ այլն:

խան, ում անունն առաջին անգամ յիշատակուած է Արզականի Ս. Ստեփանոս եկեղեցու 1001 թ. արձանագրութեան մէջ, Գագիկ Ա թագաւորի անունից յետոյ. «...ի թագաւորութեան Գագիկ աշխարհակալի, Գրիգորի՝ Հայոց մագիստրոսի...»<sup>28</sup>: Այս նոյն իշխանն է կառուցել Կեչառիսի վանքի Ս. Գրիգոր եկեղեցին, որի 1003 թ. արձանագրութեան մէջ նշուած է նաեւ նրա հօր անունը. «...ես Գրիգոր Մագիստրոս, որդի Հասանայ, շինեցի զէկէղէցիս...»<sup>29</sup>: Այս Գրիգորը Քեղի ամրոցի Գեւորգ իշխանի եղբայրն էր, ով Հաւուց թառի վանքի հովանաւորն էր, եւ այդ վանքում ժամանակին եղած (այժմ կորած) 1013 թ. մի արձանագրութեան մէջ նշուած Գրիգոր Մագիստրոսը նոյնպէս յիշեալ գործիչն է<sup>30</sup>: Հասանի որդի Գրիգոր Մագիստրոսը երկանուն է ունեցել՝ Գրիգոր Ապիրատ, եւ հայ պատմիչները նրան հիմնականում Ապիրատ անունով են յիշատակում<sup>31</sup>: Չնայած այս իշխանը մահացել (սպանուել) է 1021 թ., սակայն Գրիգոր Մագիստրոս անունով յիշուած է նաեւ իր դստեր՝ Տիկնացտիկնոջ՝ Տեկորում թողած 1042 թ. արձանագրութեան մէջ<sup>32</sup>: Տիկնացտիկնոջ ամուսինը յայտնի իշխան Վեստ Սարգիսն էր: Ուսումնասիրողները, մեծ մասամբ չի-

28 Գ. Սարգսեան, Գրիգոր-Ապիրատ Հասանեան. Հիմնադիր Կեչառիսի վանքի (վիմագրական նոր վկայութիւն).- «Հին Հայաստանի մշակութիւն» ժողովածու, 12, Երեւան, 2002, էջ 111:  
 29 Գ. Յովսէփեան, Խաղարկեանք կամ Պոշեանք Հայոց պատմութեան մէջ, Անթիլիաս, 1969, էջ 159. Կ. Մաթեոսեան, Գրիգոր Ապիրատ Մագիստրոսը եւ նրա տոհմը 11-րդ դարում,- «Բանբեր Մատենադարանի», թիւ 18, Երեւան, 2008, էջ 67-93:  
 30 Այս մասին հանգամանօրէն տե՛ս Կ. Մաթեոսեան, Հայոց թատի վանքը, Երեւան, 2012, էջ 16-30:  
 31 Կ. Մաթեոսեան, Գրիգոր Ապիրատ Մագիստրոս. 11-րդ դարի մոնացուած մեծ իշխանը,- «ՎԷՄ», 2015, թիւ 3:  
 32 «Եւ Տիկնացտիկին, դուստր Քրգորոյ Մագիստրոսին եւ ամուսին Սարգիս, արեւելից վեստիս» (Ն. Սարգիսեան, ԱԶ. աշխ., էջ 207):

մանալով Հասանի որդի Գրիգոր Մագիստրոսի գոյութեան մասին, կարծել են, թէ իշխանուհու հայրը Գրիգոր Բջնեցին է եւ այստեղից հեռուն գնացող եղբայրացութիւններ են արել նրա ու վեստ Սարգսի յարաբերութիւնների մասին<sup>33</sup>: Մինչդեռ, ինչպէս յայտնի է, Գրիգոր Բջնեցին մագիստրոս է դարձել 1045-ին:

Հաւանաբար 990-ականներին ծնուած, Անիում եւ Բիւզանդիայում կրթութիւն ստացած Գրիգոր Բջնեցու անունն առաջին անգամ յիշատակուած է 1021 թ., նրա հօր մահուան դէպքի նկարագրութեան մէջ, որը հանգամանորէն ներկայացնում է Մատթէոս Ուռհայեցին<sup>34</sup>: Հօր՝ Վասակ Հոլովի մահից յետոյ Գրիգորը բաւականին երիտասարդ հասակում Անիի թագաւորութեան ամենաբարձր կարգի ազատների

33 Լեոն անգամ Գրիգոր Բջնեցու եւ վեստ Սարգսի գործակցութեամբ դաւադրական մի ամբողջ ծրագիր է յորհնել: Տե՛ս Լեո, Աճի, էջ 322-328. Հայ ժողովրդի պատմութիւն, հտ. 3, Երեւան, 1976, էջ 148. К. Юзбашян, Աշ. աշխ., էջ 161. Ս. Մխիթարեան, Աշ. աշխ., էջ 15 եւ այլն:

34 Պատմիչը գրում է, որ Բջնիում «վասակ ասպարապետն Հայոց սիրեցեալ որդւովն իրով Գրիգորի եւ այլ փառատր ազատօքն անտեալ կայր մեծաւ ուրախութեամբ»: Սեղանակիցները յանկարծ տեսնում են մի գուժկանի, ով գալիս ու յայտնում է ասպատակիչների ներխուժման մասին: Վասակը, Բջնին թողնելով որդուն («յանձն արարեալ գտուն իր եւ զամուրն Բջնի որդւոյ իրում Գրիգորի»), տեղում եղած գորքի հետ դուրս է գալիս թշնամուն ընդատաջ: Կոտի ժամանակ վասակը մեծամարտում սրախողխող է անում մի ասփրահայ խափշիկի: Երկկողմանի բազում զոհեր են լինում եւ կոտի վերջում վասակը զօրականներով հեռանում է ու մի քարածայրի վրայ ստուերում հանգատանում՝ անջում: Այստեղ են լինում անաւ փախստական շինականներ, որոնցից մէկը, վասակին սխալմամբ թշնամու տեղ դնելով, հարուածում, ժայռից ցած է գցում, եւ ան մահանում է (Մատթէոս Ուռհայեցի, էջ 16-19): Մխիթար Այրիւսեանցին էլ վասակի մահուան մասին շատ համառօտ գրում է. «Գրիգոր Մագիստրոս... սա է որդին Հոլովին վասակայ՝ շինողի Բջնոյ, Կպեւնոյ եւ Կպոճնոյ, զոր յանգեաւ սպանին ի Սերկեպէ» (Մխիթարայ Այրիւսեանցոյ Պատմութիւն Հայոց, Մոսկուա, 1860, էջ 58-59):

շարքում գրաւում է նրա տեղը, իր աւագ եւ կրտսեր հօրեղբայրների՝ Վահրամի եւ Աբղղարիբի կողքին: Մատթէոս Ուռհայեցին վասակին կոչում է «ասպարապետ», թէեւ ընդունուած է համարել, որ նրա աւագ եղբայր Վահրամն էր Անիի թագաւորութեան սպարապետը: Գուցէ նա այդ պաշտօնը ստացել է վասակի մահից յետոյ: Ուշագրաւ է, որ Մարմաշէնի մօտ 2004 թ. յայտնաբերուած մի անթուական արձանագրութեան մէջ վասակը կոչուած է «Հայոց ասպետ»<sup>35</sup>: Հնարաւոր է, որ սա «ասպարապետի» համառօտումն է, բայց չի բացառոււմ, որ Անիի թագաւորութեան վերջին շրջանում այստեղ վերականգնուել է թագադիր ասպետի տիտղոսը եւ յանձնուել Պահլաւունիներին (Արշակունիներին ժամանակ թագադիր ասպետները Բագրատունիներն էին): Այս ենթադրութիւնը կարծես հիմնաւորում է ստանում այն իրողութեամբ, որ որոշ ժամանակ անց վասակի որդի Գրիգոր Բջնեցին է լինում Գագիկ Բ-ի գլխին թագ դնողը (այդ մասին՝ քիչ յետոյ):

Հարկ է նշել, որ Պահլաւունիները եւ առաջին հերթին՝ Վասակի զաւակները՝ նրա մահը շատ ծանր են տանում ու նրան համարում են քրիստոնէական հաւատի համար նահատակուած մարտիրոս: Առաջինն այդ մասին նշում է Վասակի գուստրը՝ Սեղան, ով իր ամուսնու տոհմին պատկանող՝ 1010 թ. Սմբատ Մագիստրոսի<sup>36</sup> հիմնած Բագնայրի վանքին նուիրատուութիւն է կատարում ի յիշատակ իր հօր՝

35 Ա. Մանուչարեան, Նորայայտ յիշատակութիւն «Հայոց ասպետ» վիմագրութեամբ, ԵՊՀ աստուածաբանութեան ֆակուլտետ, Տարեգիրք Բ, Երեւան, 2007, էջ 157-158:

36 Նախկինում Սմբատ Մագիստրոսին առանց փաստական հիմնաւորման, թիրիմացաբար համարել են վահրամ Պահլաւունու աւագ որդի մինչդեռ ան այլ տոհմի ներկայացուցիչ էր (Մ. Մաթեոսեան, Սմբատ Մագիստրոս, «Հանդէս ամսօրեայ», 2008, էջ 173-186):

«քրիստոսի զօրական» Վասակի<sup>37</sup>: Իսկ Մարմաշէնի վանքի 1029 թ. արձանագրութեան մէջ, ինչպէս վերը տեսանք, Վահրամն իր եղբորը կոչում է՝ «վասակ իշխանաց իշխան, որ նահատակեցաւ ի թուրքաց պատերազմի»: Աւելի ուշ՝ մագիստրոս դառնալուց յետոյ, Գրիգորն իրեն յիշատակում է որպէս Վասակ «մարտիրոսի» որդի՝ «Գրիգորի՝ մագիստրոսի եւ կիտաւնատի, որդւոյ Վասակայ մարտիրոսի...»<sup>38</sup>: Այսինքն, չնայած Վասակի մահուան դէպքն աւելի շուտ դժբախտ պատահար կարելի է համարել, սակայն հաշուի առնելով, որ դա տեղի է ունեցել անհաւատների դէմ ճակատամարտից յետոյ, տոհմակիցները նրան կոչում են Քրիստոսի նահատակ եւ մարտիրոս:

Ինչպէս երեւում է, հօր տիրոջներն ու պաշտօնը ժառանգելուց յետոյ Գրիգորը բուն գործունէութիւն է ծաւալել, առաջին հերթին հայրենի Բջնիում հիմնելով Ս. Աստուածածին գեղաշէն եկեղեցին, որն, ինչպէս վերը նշուեց, օծման ժամանակ դարձել է նաեւ բաւական մեծ տարածք ընդգրկող եպիսկոպոսութեան կենտրոն: Գրիգոր Բջնեցու ինքնայիշատակման միակ վիմագիր օրինակը, մինչեւ մագիստրոսութեան արժանանալը, պահպանուել է նոյն եկեղեցում, որն ուշ յայտնաբերման պատճառով անձանօթ է մնացել իշխանի կենսագիրներին. «Յ[իսու]ս Ք[րիստո]ս ողորմեա Գրիգորո իշխանաց իշխանի, որդո Վասակայ»<sup>39</sup>:

37 Հ. Ղ. Ալիշան, Ծիրակ, Վեներիկ, 1881, էջ 113:

38 Մատենագիրք Հայոց, հտ. ԺԶ, էջ 10:

39 Արձանագրութիւնը գտնուում է Բջնիի եկեղեցու ներսում, հիւսիսային որսմանոցի խոյակի արեւելեան կողմում: Հրատարակել է հնագետ-վիմագրագետ Գագիկ Սարգսեանը (Գ. Սարգսեան, Թեղեմեաց վանքի պեղումները եւ Բջնիի մի արձանագրութեան ստիւ, Հայկական ՍՍՀ-ում 1983-1984 թթ. դաշտային հնագիտական աշխատանքների արդիւններին նուիրուած գիտական համաժողովի գեղարվեստի թեզիսներ, Երեւան, 1985, էջ 54):

Ինչպէս տեսնում ենք Աստուծոյ ողորմածութիւնը հայցող Գրիգորն այստեղ նշում է Անիի թագաւորութեան մէջ իր կրած տիտղոսը՝ իշխանաց իշխան, եւ ընդունուած կարգի համաձայն՝ հօր անունը: Արձանագրութիւնը հաւանորէն գրուել է եկեղեցու շինարարութեան աւարտի ժամանակ՝ 1031 թ.:

Վերը նշեցինք, որ 1033 թ. տեղի ունեցած արեւի խաւարման առիթով թագաւորն ու կաթողիկոսն Անիից պատուիրակութիւն են ուղարկում Յովհաննէս Կոզեռն վարդապետի մօտ: Մատթէոս Ուռհայեցին Սեւան գնացածների մասին ասում է. «Իսկ որք առաքեցան առ վարդապետն Հայոց՝ Գրիգոր Մագիստրոսն որդին Վասակայ եւ հայկազնին՝ Մեծն Սարգիս, եւ այլք ոմանք յազատաց տանն Հայոց»<sup>40</sup>: Այդ ժամանակ Գրիգորն արդէն Անիի թագաւորութեան մէջ կարեւոր դեր ունեցող անձնաւորութիւն էր: Դրա մասին է վկայում նաեւ իշխանի յիշեալ շրջանի նամակագրութիւնը մի շարք բարձրաստիճան անձանց ու յատկապէս՝ Պետրոս Ա կաթողիկոսի հետ, որին գրուած 9 նամակ է յայտնի:

Ինչպէս իշխանի թղթերի առաջին հրատարակիչ Կ. Կոստանեանցն է գրում, Գրիգորի «թղթակիցների մէջ առաջին տեղը գրաւում է Տ. Պետրոս Ա... Պահլաւունի իշխանը նորա հետ կապուած էր առանձին իմն սիրով եւ յարգանքով»<sup>41</sup>: Իսկապէս, նամակների ընթերցումը հէնց այդ տպաւորութիւնն է թողնում, քանի որ դրանք հիմնականում նուիրուած են աստուածաբանական, գիտական, կրթական

40 Մատթէոս Ուռհայեցի, էջ 76: Մատթէոս Ուռհայեցին, ով այս դէպքերի մասին գրել է շուրջ մէկ դարեայ հետաւորութիւնից, երբ Գրիգոր Բջնեցին ստաւելապէս յայտնի էր Գրիգոր Մագիստրոս անունով, այստեղ ու յետագայում եւս նրան այդպէս է կոչում, քանի որ նրան այդ անունով էր ճանաչում:

41 Գրիգոր Մագիստրոսի թղթերը, էջ 285-286:

հարցերին, աղանդաւորների պարսաւանքին եւ այլն:

Նամակներից առաջինը (թուղթ Ա) գրուել է հաւանօրէն 1038-ին, երբ Պետրոսը կրկին վերադարձել էր կաթողիկոսական աթոռին եւ իշխանից խնդրել եփրեմ Ասորու գիրքը, որը նա ընթերցել էր Բջնիում արգելափակուած ժամանակ. վերնագիրն է «Առ հոգեւոր տէրն Պետրոս Հայոց կաթողիկոս, ի ժամանակին յորում ի կապանաց իւրոց վերստին յաջորդեաց յաթոռ իւր, խնդրեալ ի Գրիգորէ զգիր սրբոյն եփրեմի հաւատոցն, զոր ընթեռնոյր մինչ ի բանտին էր»<sup>42</sup>: Քաղաքական իրավիճակի բացայայտման տեսանկիւնից հետաքրքրական է եւս երկու թուղթ գրուած Պետրոս կաթողիկոսի դէմ Անիում ծաւալուած ժողովրդական յուզումների ժամանակ: Մէկի վերնագրում (թուղթ Բ) կարդում ենք. «Առ տէր Պետրոս, ի ժամանակի խուժան յառնելոյ ի քաղաքին, ի վերայ նորա՝ բան մխիթարական...», որտեղ Գրիգորը Պետրոսին պատահածի մասին մանրամասներ չի գրում, միայն մխիթարում է նրան՝ այսպէսնելով «Արամեան անմտութիւնը»<sup>43</sup>: Միւս նամակը (թուղթ Ժ) հասցէագրուած է Պետրոս կաթողիկոսի սարկաւազին (անունը չի նշուած)՝ «Առ ոմն սարկաւազ տեառն Պետրոսի ի ժամանակի խաղմի խուժանին, ի վերայ յարուցեալ», որտեղ խօսուած է նոյն դէպքերի մասին: Մեր կարծիքով այս նամակներում կաթողիկոսի դէմ բարձրացած յուզումների վերաբերեալ ակնարկները վերաբերում են 1030-40-ական թուականներին քաղաքական հողի վրայ կատարուած իրադարձութիւններին<sup>44</sup>:

1041 թ. մահանում են անհաշտ եղբայրները՝ նախ Աշոտը, ապա Յովհաննէս

42 Մատենագիրք Հայոց, հտ. ԺԶ, էջ 210-211:  
43 Նոյն տեղում, էջ 267-271:  
44 Գ. Մաթեոսեան, Անի. եկեղեցական կեանքը եւ ձեռագրական ժառանգութիւնը, Ս. Էջմիածին, 1997, էջ 212-216:

Սմբատ թագաւորը, եւ երկիրը յայտնուած է ծանր վիճակում: Գրիգոր Բջնեցուն վիճակում է Անիի թագաւորութեան մայրամուտի այս դրամատիկ շրջանում պատմական գլխաւոր դերակատարներից մէկը դառնալ:

ԳՐԻԳՈՐ ԲԶՆԵՑԻՆ ԳԱԳԻԿ Բ-Ի ԹԱԳԱՂԻՐ ԵՒ ՄԱԳԻՍՏՐՈՍ

Անիի Բագրատունեաց թագաւորութեան վերջին շրջանի պատմութիւնն ուսումնասիրուել է բաւականին մանրակրկիտ կերպով, ուստի կատարուած դէպքերի մասին կը նշենք շատ հակիրճ՝ շեշտը դնելով Գրիգոր Բջնեցու գործունէութեան վրայ:

Յովհաննէս Սմբատի մահից յետոյ Անիում սկսուած է անիշխանութեան մի շրջան, որից օգտուելով թագաւորի հոգաբարձուն՝ Վեստ Սարգսիսը, փորձում է գրաւել գահը<sup>45</sup>: Բիւզանդական կայսրութիւնն էլ իր հերթին, Յովհաննէս Սմբատի կտակը մէջտեղ բերելով, պահանջում է իրեն յանձնել Անին: Մերժում ստանալով՝ բիւզանդացիները դիմում են ռազմական գործողութիւնների, բայց անյաջողութեան մատուցելով՝ Անիի թագաւորութեան դէմ են հանում Տաշիր Զորագետի Բագրատունի թագաւոր Դաւիթ Անհողինին, ով աւերածութիւններ է գործում Շիրակում: Այդ ժամանակ քաղաքում իրական իշխանութիւնը (թագաւորական գանձարանը եւ այլն) գտնուած էր Վեստ Սարգսի ձեռքում:

Նման անորոշ իրավիճակում կարող են յայտնուել նախաձեռնութիւն է հանդէս բերում Վեստ Սարգսիսը Պաշլաւունին իր տոհմակիցներով, որ վեր 1042 թ. հնարամտօրէն (հաւանաբար

45 Այս արարքի եւ յետագայ գործողութիւնների համար հայ պատմիչները պարսաւանքով են խօսում Վեստ Սարգսի մասին: Նրա շինարարական գործունէութիւնը դրուատաւորով է յիշուած Սամուէլ Անեցիի (տե՛ս Սամուէլ Անեցի եւ շարունակողներ, էջ 183, 391):

ծպտուած կերպով) Անի են բերում Յովհաննէս Սմբատի եղբայր Աշոտի որդուն՝ տասնութամեայ Գագիկին եւ, նրան թագադրելով, հռչակում Հայոց թագաւոր: Այդ մասին պատմում է Արիստակէս Լաստիւեցին. «Իսկ Վահրամ, այր հզօր եւ անուանի, եւ բարեպաշտութեամբ յոյժ վեհ, որպէս թէ ոչ ոք հաւասար նմա՝ Պաշլաւ, հանդերձ իւրովք աղգակցօք, որդւովք եւ եղբօրորդւովք իբրեւ երեսուն ազատօք, ոչ միաբանեցան ընդ նմա (Վեստ Սարգսին - Կ. Մ.), այլ կոչեալ առ ինքեանս զԳագիկ որդի Աշոտոյ, թագաւորեցուցին ի վերայ իւրեանց, եւ իմաստութեամբ եւ հնարիւք մուծին ի քաղաքն»<sup>46</sup>: Սամուէլ Անեցին էլ յաւելում է, որ Գագիկ Բ-ի (1042-1045 թթ.) օծումը կատարել է Պետրոս կաթողիկոսը Անիի Մայր տաճարում<sup>47</sup>:

Այս դէպքի վերաբերեալ մէկ այլ կարեւոր մանրամասն է աւելացնում Մատթէոս Ուռհայեցին՝ նշելով, որ Գագիկին թագադրողը եղել է Գրիգոր Բջնեցին. «Ժողովեցան ամենայն նախարարքն Հայոց առ հայրապետն Տէր Պետրոս եւ օծին զԳագիկ թագաւոր ի վերայ ամենայն Տանն Հայոց, շնորհօք Հոգւոյն Սրբոյ եւ հրամանաւ մեծի իշխանին, որ էր ազգաւ Հայկազնեան եւ հայրենեօք Պաշլաւունի, որոյ անուն՝ ըստ նախնոյն իւրոյ, Գրիգոր ճանաչի, եւ էր յազգէն սրբոյն Գրիգորի»<sup>48</sup>: Սմբատ Սպարապետը Գրիգորին այս

46 Արիստակէս Լաստիւեցի, էջ 57-58:  
47 «Արդ, յետ մահուան Սմբատայ, որ եւ Յովհաննէս, միաբանեալ ազատագունդ զարացն եւ իշխանացն, յաւէտ եւս պատրիարքին տեսն Պետրոսի, ժողովեցան առ դրունս մեծափառ Կաթողիկէին՝ ի մայրաքաղաքս յԱնի, եւ հաստատեն զԳագիկ գեղարորդին Յովհաննիսի, թագաւոր ի վերայ ինքեանց ի տեղի հարեղբար իւրոյ» (տե՛ս Սամուէլ Անեցի եւ շարունակողներ, էջ 186):  
48 Մատթէոս Ուռհայեցի, էջ 96-97: Ուռհայեցու ժամանակագրութեան այս հատուածում «հրամանաւ մեծի իշխանին» բառերից յետոյ յետագայում հաւանաբար ընդմիջարկութիւն է արուել՝ «Որով եւ օծեաց զնա սրբակեացն մեծն Մար-

ձեռնարկը նախաձեռնողի դեր է վերագրում: «Ժողովեցան իշխանքն Հայոց հրամանաւ մեծին Գրիգորի, որդւոյ Վասակայ Պաշլաւունոյ, եւ գնացեալ առ սուրբ հայրապետն տէր Պետրոս՝ օծին զԳագիկ թագաւոր ի վերայ Տանն Հայոց»<sup>49</sup>:

Այսպիսով, Վահրամ Պաշլաւունին որպէս զօրաւոր եւ տոհմապետ, իսկ ուսեալ Գրիգորը՝ գաղափարակիր եւ արարողական մասնակից, Գագիկին թագադրելով՝ փորձում են կանխել Անիի Բագրատունեաց թագաւորութեան անկումը: Գրիգոր Բջնեցին այդ օրերին նաեւ զօրաբանակի գլուխ անցած Հրազդան գետի մօտ պարտութեան է մատնում արեւելքից երկիր ներխուժած ասպատակիչներին<sup>50</sup>: Հաւանաբար այդ նոյն ժամանակ նրա որդին էլ մասնակցում էր երկրի արեւմտեան կողմից թագաւորութեան սահմանները մտած բիւզանդացիների դէմ մղուած կռիւններին: Նրան էլ ուղղուած է Գրիգորի ամենաուշագրաւ թղթերից մէկը (թուղթ ԶԳ), որը զաւթիչներին հակահարուած տալու բանաստեղծական մի ազգու կոչ է<sup>51</sup>:

Սակայն յետագայ դէպքերը երիտասարդ թագաւորի ու նրա աջակիցների համար անբարենպաստ հունով են ընթանում: Անիի փոքր թագաւորութեան դէմ դուրս է գալիս բիւզանդական դիւանագիտութեան

գէն»: Այս հարցին հանգամանօրէն անդրադարձել է Հ. Բարթիկեանը (տե՛ս Հ. Բարթիկեան, Ուռհայեցու երկրում հանդիպող «Մարցէ» անուան մասին, ՊԲՀ, 1973, թիւ 2, էջ 163-167): Ըստ Գ. Արքարեանի՝ «մեծն Մարցէն»-ի փոխարէն հաւանօրէն եղել է «մեծիմաստն» բառը (այս մասին տե՛ս Ռ. Մաթեոսեան, Բագրատունեաց Հայաստանի պետական կառուցումը ու վարչական կարգը, Երեւան, 1990, էջ 190):  
49 Սմբատայ Սպարապետի Տարեցիրք, Վեներտիկ, 1956, էջ 36-37:  
50 Մատթէոս Ուռհայեցի, էջ 96-99:  
51 Մատենագիրք Հայոց, հտ. ԺԶ, էջ 369: Նամակի գրութեան ժամանակի մասին տե՛ս Գ. Արքարեան, Ո՞վ է Գրիգոր Մագիստրոսի յիշատակած Նիկողոս զօրավարը, - Լրաբեր հաս. գիտ., 1971, թիւ 9, էջ 44-49:



յանձնում է կաթողիկոսին եւ մեկնում Կոստանդնուպոլիս, բայց տեղ հասնելուն պէս նրան արգելափակում են եւ այլեւս թոյլ չեն տալիս հայրենիք վերադառնալ՝ պահանջելով Անին փոխանակել կայսրութեան այլ քաղաքի հետ<sup>60</sup>:

Գազիկի վերադարձի արգելքի մասին իմանալով՝ Անիում որոշում են նրա հետեւից ուղարկել Գրիգոր Բջնեցուն: Մեկնելով նա համոզում է, որ Գազիկին այլեւս հետ չեն թողնելու եւ, պատմիչի խօսքերով, քանի որ իմաստուն մարդ էր, նախաձեռնութիւն հանդէս բերելով՝ ինքնակամ կայսերն է տալիս Բջնի բանալին ու իր հայրենի ժառանգութիւնը, որի համար մեծարանքի է արժանանում նրա կողմից: Գրիգորը ստանում է նաեւ մագիստրոսութեան պատիւ, զինուորական պաշտօն եւ նոր տիրոջներ Հայաստանի կայսրութեանը պատկանող շրջաններում: Արիստակէս Լաստիւբերցին այս առնչութեամբ գրում է. «Եւ ի յերկարի խնդրոյս այսորիկ, Գրիգոր որդի քաջին Վասակայ, ելեալ եւ նա գնաց առաջի թագաւորին: Եւ քանզի այր իմաս-

խանք Հայոց եւ եկին ի Հոռոմս» (Սամուէլ Անեցի եւ շարունակողներ, էջ 178): Թէպէտ յաւելման ստոյգ ժամանակը յայտնի չէ, սակայն տեղեկութեան ծագումը շատ հին պէտք է համարել, ակատի ունենալով, որ Գրիգորն այստեղ կոչուում է Բջնեցի եւ Վասակայ որդի, այլ ոչ թէ Մագիստրոս:

<sup>60</sup> Արիստակէս Լաստիւբերցու հաղորդմամբ Գազիկը «հաստաց վասն երդմանցն եւ խաչին, եթէ վասն յակութեան մտացն եթէ վասն երկիրաբարքին ի Պետրոս, որ յայնժամ ունէր գաթոռ հայրապետութեան Լուսաւորչին մերոյ, եւ յանձնեաց ի նա զամենայն հոգս աշխարհին մեծադաշմար Եւ ուխտի... ել ի քաղաքէն, եւ չոգաս ի Յոյն զանդարձ ուղեորութիւն, իբրեւ գձուկն ի կարթէ ըմբռնեալ կամ իբրեւ գհաս ի ծուղակաց: Չոր տեսեալ թագաւորին՝ ոչ յիշեաց գերդմունսն, եւ ոչ զխաչին զմիջնորդութիւնն. այլ առ իւր արգել, եւ խնդրէր թէ Տո՛ւր զԱնի, եւ ես տաց քեզ փոխանակաւ զՄելիտիէն՝ զգաւաւսն որ շուրջ գնովաւ: Այլ նա ոչ առնու յանձն» (տե՛ս Արիստակէս Լաստիւբերցի, էջ 62):

տուն էր եւ խելամուտ յոյժ աստուածային գրոց, որպէս թէ ո՛չ այլ ոք, իբրեւ ետես, եթէ ոչ են թողլոց զԳազիկ ի տեղի իւր, յառաջ կացալ տայ զբանալին Բջնոյ ցթագաւորն, եւ զամենայն զիր զհայրենի ժառանգութիւնն. եւ մեծարեալ ի նմանէ՝ առնու զպատիւ մագիստրոսութեան, եւ զտեղիս բնակութեան ի սահմանս Միջագետաց գիւղս եւ քաղաքս, գրով եւ ոսկի մատանեաւ յազգէ յազգ մինչեւ յաւիտեան»<sup>61</sup>:

Գրիգոր Մագիստրոսի (այսուհետեւ նրան այդպէս պիտի կոչենք) այս քայլը կարելի է բացատրել մի քանի պատճառով: առաջինը քաղաքական պահի իրատեսական գնահատումն էր, քանի որ պայքարի շարունակումն ակնյայտօրէն դատապարտուած էր ձախողման: Գրիգորն այս քայլով գոհացրեց կայսերը՝ Գազիկի յամառութեան այլընտրանքը ներկայացնելով, որի շնորհիւ թերեւս սպասուածից աւելին ստացաւ: Երկրորդ պատճառը հաւանաբար Գազիկի հետ ունեցած գծուածութիւնն էր եւ նախընթաց տարիների իր հայաժական ընկճուած վիճակը, որն ինքնասէր իշխանը չէր կարող հեշտութեամբ մոռանալ: Սա, եթէ կարելի է այդպէս ասել, քաղաքական ուեւանչի հասնելու փայլուն առիթ էր, որը Գրիգորի նման շրջահայեաց գործիչը չէր կարող բաց թողնել իր ձեռքից (ինչպէս կը տեսնենք, Գազիկի հետ նրա թշնամութիւնը շարունակուել է նաեւ դրանից յետոյ): Երրորդ պատճառ-հիմնաւորումն էլ այն կարող էր լինել, որ Անիի բիւզանդական նուաճման անխուսափելիութիւնը, նկատելի մտածէր նաեւ իր սոհմակիցների ու յատկապէս՝ Վահրամ Պահլաւունու մասին, որ նախորդ տարիներին մի քանի անգամ ռազմի դաշտում յաղթել էր բիւզանդացիներին եւ Գազիկին գահ բարձրացնող գլխաւոր գործիչն էր, ուստի նոր պայմաններում կարող էր յոյնների վրէժխնդրու-

<sup>61</sup> Նոյն տեղում:

թեանն արժանանալ: Գրիգորն իր քայլով կանխեց այդ ենթադրուող հաշուեյարդարը, եւ, ինչպէս քիչ յետոյ կը տեսնենք, բիւզանդացիները՝ Անի գալուց յետոյ ծերունի Վահրամը շարունակեց համարուել քաղաքում մնացած հայկական զինուժի հրամանատարը:

Յաջորդ դէպքերն այսպիսին են. առանց գահակալի մնացած Անին որոշ դիմադրութիւնից յետոյ՝ 1045-ին, բիւզանդամէտ գործիչների մասնակցութեամբ անցնում է կայսրութեան տիրապետութեան տակ<sup>62</sup>: Գազիկին, զուտ կայսեր բարի կամքի դրսեւորմամբ, որոշ տիրոջներ են տրուում<sup>63</sup>, իսկ Գրիգոր Մագիստրոսը, Հայաստան՝ Տարօն վերադառնալով, փաստօրէն դառնում է երկրում իրական իշխանութիւն ունեցող եւ բիւզանդացիների վստահութիւնը վայելող ամենագօրեղ հայ իշխանը: Այս իրողութեան իւրայատուկ արտայայտութիւնը տեղ է գտել Մխիթար Այրիվանեցու ժամանակագրութեան մի

վկայութեան մէջ. «Իսկ Մոնոմախն, որ կալաւ զԳագիկ թագաւորն՝ ետ զիշխանութիւն երկրիս Գրիգորոյ Մագիստրոսի...»<sup>64</sup>: Լ. Խաչերեանը Գրիգոր Մագիստրոսին նուիրուած մենագրութեան մէջ տարակուսանք է յայտնում այս տեղեկութեան առնչութեամբ՝ նշելով, որ այն «ոչ մի այլ աղբիւրով չի վաւերացւում»<sup>65</sup>: Եւ դա բնական է, քանի որ իրականում այդպիսի բան չի եղել: Մխիթար Այրիվանեցու հաղորդածն իրավիճակի ընդհանրացուած ներկայացումն է, եւ վկայում է այն մասին, որ Կոստանդին Մոնոմախի ձեռքով Գազիկի գահազրկումից ու Գրիգորի կտրուկ վերելքից յետոյ Հայաստանում կարող էր ստեղծուել այնպիսի տպաւորութիւն, թէ Գազիկին արգելափակելով՝ կայսրը երկրի իշխանութիւնը յանձնել է Գրիգոր Մագիստրոսին:

Հետաքրքրական է, որ արդէն 1045-ին Գրիգոր Մագիստրոսը Կոստանդնուպոլսում եղած ժամանակ գրած իր «Տաղասացութիւն» պոէմի առաջաբանում, որ յայտնի է նաեւ որպէս «Հաղարտողեան», ներկայանում է որպէս Պահլաւունի. «Ի չորեք հարիւր եւ իննսուն եւ չորս թուականութեանս Հայոց (1045), լինելոյ իմ Գրիգորի Մագիստրոսի, որդի Վասակայ, աստուածապահ կիտանի եւ դուկի եւ Պալիաուունոյ, եղեալ իմ յաստուածապահ քաղաքին ի Կոստանդնուպոլիս, ի ժամանակս բարեպաշտ եւ քրիստոսապաւկեալ արքային Կոստանտեայ Մոնաւմախին...», եւ գրութեան վերջում նոյնպէս նշում է իր տիրոջոսներն ու Պահլաւունի լինելը<sup>66</sup>:

Ուշագրաւ է նաեւ, թէ Գրիգոր Մագիստրոսն ինչպէս է ներկայացնում իր տիրոջները Տարօն գալուց յետոյ Գազիկ Բին գրուած վերջին նամակում (թուղթ Հ Գ): Քաղաքավարական ձեւը պահպանելով,

<sup>62</sup> Գագիկի վերադարձի լուրը կորցրած եւ բիւզանդացիների արարքից փրատրուած անեցիները փորձում են դիմադրութիւն ցոյց տալ: Նրանց շրջանում առաջ են գալիս տարբեր խմբակցութիւններ, որոնք մտածում են քաղաքը յանձնել Դաիթ Անհողիմին կամ Վրաց Բագրատ թագաւորին, անգամ՝ Դուրիմի Աբուլասվար ամիրային, ում կինը Գագիկ Բ-ի քոյրն էր: Այդ ժամանակ, տեսնելով անեցիների տրամադրութիւնները, վճռական քայլերի է դիմում Պետրոս կաթողիկոսը. «Իբրեւ ետես հայրապետն Պետրոս զայսպիսի խորհուրդ, թէ ո՛ւն եւ իցէ՛ ի գնալ եւ քաղաքս, առաքէ առ այն, որ ունէր զիշխանութիւն արեւելից կողմանն, որ նստէր ի քաղաքն Սամուսատ... եւ գրէ, թէ՛ Մանո՛ թագաւորին, թէ մեզ զինչ հատուցանէ փոխարէնս, եւ ես տաց զքաղաքս եւ զայլ ամուրս որ յաշխարհիս եմ: Իսկ նա, իբրեւ լուաւ, փութապէս ծանոյց թագաւորին. եւ լուեալ թագաւորին, գանձիք եւ իշխանութեամբ հաճեալ զկամս նորա, եւ այսու տիրեցին Անույ եւ ամենայն աշխարհին» (Արիստակէս Լաստիւբերցի, էջ 63):

<sup>63</sup> «Գագիկ աներախտի մնաց առ թագաւորն. որում առ մարդասիրութեան տուեալ նմա տեղիս, գոր ինքն կամեցաւ, որ լոյժ պակաս էր ըստ արժեիցն Անույ» (Արիստակէս Լաստիւբերցի, էջ 63):

<sup>64</sup> Մխիթար Այրիվանեցի, Պատմութիւն Հայոց, Մոսկուա, 1860, էջ 58-59:  
<sup>65</sup> Գ. Խաչերեան, ԱԶ. աշխ., էջ 143:  
<sup>66</sup> Մատենագիրք Հայոց, հտ. ԺԶ, էջ 139-140:

բայց նաեւ Գագիկին արգէն ուղղակիօրէն յանդիմանելով՝ նա նամակի վերջում, կարելի է ասել, չարախնդում է գահազուրկ թագաւորի վրայ՝ ներկայացնելով, թէ ինչպիսի ընդարձակ իշխանութեան է տիրապետում. «Վասպուրականի եւ Տարաւնոյ եւ Մանազկերտի, Արճիշոյ, Բերկրոյ, Միջագետաց տէր եւ Մանուսիսի մագիստրոս, վեստ եւ տուկ»<sup>67</sup>:

1051 թ. Կեչառիսի վանքի արձանագրութեան մէջ Գրիգոր Մագիստրոսն իրեն արգէն սկսում է կոչել Արշակունի. «...Գրիգոր Մագիստրոսին, կիտաւնոսին եւ դուկին Վասպուրականի եւ Տարաւնո, Արշակունոյն եւ Հայկազնոյն...»<sup>68</sup>: Նոյն բանը տեսնում ենք նրա կնիքի վրայ, որի յունարէն մակագրութեան թարգմանութիւնը

հետեւեալն է. «Տէր, օգնիր Քո ծառային՝ Արշակունի Գրիգորին՝ մագիստրոսին, սենեկապետին, Վասպուրականի եւ Տարոնի գուքսին»<sup>69</sup>:

Հետաքրքրական է, որ ոչ միայն Գրիգորն է իրեն Արշակունի կոչել, այլ նրան այդպէս են սկսել ճանաչել ու կոչել նաեւ ուրիշները: Մասնաւորապէս, ասորիները՝ կաթողիկոսին գրուած նամակի (թուղթ կէ) երկար վերնագրից («յորժամ էր դուքս ի Վասպուրական եւ ի Տարաւն...»), երեւում է, որ դրանից առաջ այդ կաթողիկոսը նամակ է ուղարկել Գրիգոր Մագիստրոս Արշակունուն՝ «գոր նորա գրեալ թուղթ՝ ի Գրիգոր Մագիստրոսն յԱրշակունի»<sup>70</sup>:

Նշենք նաեւ, որ մագիստրոս դառնալուց յետոյ Գրիգորն այլեւս ոչ մի նամակ չէ գրել Պետրոս կաթողիկոսին (յամենայն դէպս, այդպիսիք յայտնի չեն):

Այսպիսով, մագիստրոսութեան պատուին արժանանալուց յետոյ ոչ միայն մեծանում է Գրիգորի տիրոջոսաշարը (Բջնիկի տէր եղած ժամանակի «իշխանաց իշխան» որդի Վասակայ)՝ ձեւակերպման փոխարէն), այլեւ ընդգծւում է տոհմանունը՝ Պահլաւունի կամ Արշակունի:

ՎԱՅՐԱՍ ՊԱՅԼԱԲՈՒՆՈՒ ՄԱՅԸ ԵՒ ԿԱԹՈՂԻԿՈՍՈՒԹԵԱՆ ՀԵՌԱՅՈՒՄՆ ԱՆԻՅՑ

Մինչ Գրիգոր Մագիստրոսը կոտորածներ կրելու էր, իսկ ապա տեղափոխուեց Տարոն՝ անցնելով բիւզանդական կուսակալի իր պարտականութիւններին՝ 1045-1046 թթ. Անիում ծաւալուեցին նոր ողբերգական իրադարձութիւններ:

Անի եկած բիւզանդական առաջնորդ կուսակալ Իասիտէսը (Հաստիւերցին նրան կոչում է Ասիտ) պատիւներ է մատուցում Պետրոս կաթողիկոսին. «Եկեալ անչափ պատուով

67 Այս շատ հետաքրքրական անակից երեւում է, որ Գագիկ Բ-ի եւ Գրիգոր Մագիստրոսի թշնամութիւնը դեռ շարունակուում էր: Չափազանց խօսում է ասորական հատուածը. «Ո՞չ գիտեա, զի համբերեցի այսքան ժամանակ: Զիս համալուծ առնես որդւոյդ խելկեալ խարբի, որ հագարաց եւ քիրոց ընդդէմ եղեալ եմ թշնամեաց եւ պետաց: Ո՞չ գիտես, եթէ երկնչիս յԱստուծոյ, տակաին խոցոտես զիս եւ ոչ երկնչիս յԱստուծոյ ամենակալէն այն, որ աստին ի քերովբէս: Հրաչեալ մոռացեալ եղեա, Վաղարշակ ոչ յիշեցաւ, Ծամբաթ եւ Ասուդ ոչ յիշին, Հայկն թաքչի, Խոսրով գետեղի, Պարթեւն անագի, Բետուրա յափշտակի, եւ այդ յերկարեմ: Ե՛կ տէր իմ՝ Վասպուրականի եւ Տարաւնոյ եւ Մանազկերտի, Արճիշոյ, Բերկրոյ, Միջագետաց տէր եւ Մանուսիսի մագիստրոս, վեստ եւ տուկ, ի խարբի որդւոյդ ի գանգատ գնա՛: Զէ, մի՛ աւատայք: Բայց յԱստուծոյ երկնչիս յայն, յոր յուսամ, որում երկրպագեմ: Դասիթ իր լու եդ անուն եւ մեռեալ շուն, միճել Աստուած ետես եւ այց արար: Եւ ես անքեմ եւ աղաչեմ, որ ձեզ կեանք տայ եւ բարի միտս: Ողջ լի՛ք» (Մատենագիրք Հայոց, հտ. ԺԶ, էջ 336): Գրիգոր Մագիստրոսի թղթերի երկու հրատարակութեան մէջ էլ «Խարբի»-ն որպէս յատուկ անուն է նշուած (Գրիգոր Մագիստրոսի թղթերը, էջ 212-213): Լ. Աճառեանը նկատում է, որ այն (խարբ) «հասարակ անուն է եւ նշանակում է անասակ» (Լ. Աճառեան, Հայոց անձնանունների բանարան, հտ. Բ, Երեւան, 1944, էջ 502):

68 Գ. Յովսէփեան, Խաղբակեանք կամ Պոռեանք Հայոց պատմութեան մէջ, էջ 312:

69 Տե՛ս Մատենագիրք Հայոց, հտ. ԺԶ, էջ 85, ծանոթ. 4:

70 Մատենագիրք Հայոց, հտ. ԺԶ, էջ 85, ծանոթ. 4:

տուով մեծարէ զհայրապետն Պետրոս»<sup>71</sup>: Սակայն քաղաքում մթնոլորտը շատ լարուած էր: Այս մասին յայտնում է Սամուէլ Անեցին<sup>72</sup>: Նման պայմաններում 1046 թ. աշնանն Իասիտէսը կայսերական հրամանով արշաւանք է սկսում Դուինի Աբուլասփար ամիրայի դէմ, քանի որ վերջինս հրաժարուած է վերագարձնել Անիի թագաւորութիւնից հէնց բիւզանդացիների դրդմամբ խլած բերդերը: Յոյսը զօրքի մեծաքանակութեան վրայ դրած բիւզանդացի կուսակալն անկազմակերպ զօրաշարով շարժւում է Դուինի վրայ եւ ընկնում Աբուլասփարի պատրաստած ծուղակը: Բիւզանդացիները ծանր պարտութիւն են կրում: Զոհուում են նաեւ հայկական ուժերն առաջնորդող ծերունի Վահրամ Պահլաւունին եւ նրա որդի Գրիգորը: Նրանց յուղարկուողում են Մարմաշէնի վանքում:

Այս կորուստը շատ ծանր է տանում Շիրակից հեռու գտնուող Գրիգոր Մագիստրոսը, ով այդ առիթով իր բարեկամ Սիւնեաց Յովհաննէս մետրոպոլիտի ցաւակցական նամակին ի պատասխան մի ծաւալուն եւ յուզիչ նամակ է գրում (թուղթ ԺԱ): Գրիգոր Մագիստրոսը, ողբալով հօրեղբօր մահը, իրեն համարում է «ի հայրական խնամոցն զրկեալ», ապա փառաբանական խօսքեր ասելով հանդուցեալի մասին՝ անցնում է ուղիղ խօսքով նրան դիմելուն: «Աւա՛ղ կենդանութեանս, որ երանեամ վախճանելոյդ» ասելով՝ Մագիստրոսն իր ոճի ողջ ճոխութեամբ ներ-

կայացնում է հանդուցեալի արժանիքները («մաքուր վարուք եւ ողջախոհութեամբ յանգել ըստ քում անխնայն մերոյ Գրիգորի Լուսատրչի»), ողբում իրենց անտիրանալը՝ ասելով, թէ ով պիտի այսուհետեւ իրենց խրատի, սաստի ու մխիթարի եւ այլն: Նամակի առանցքային հատուածներից մէկում Գրիգոր Մագիստրոսն, անդրադառնալով Վահրամի ծագմանը, գրում է, թէ նրան վայել էր թագաւոր լինել ու պալատներում ճեմել. «Քանզի ազգ սեփական եւ որդիք Աբրահամու յազգէն քետուրական, ի գաւառէն Պարթեաց, ի քաղաքէ Պահլաւ, ի ցեղէ Արշակունի, շառաւիղ մերոյն Լուսաւորչին, քեզ այդպէս վայելէր թագաւոր եւ յայսպիսի պաղատան ճեմել...»<sup>73</sup>: Գրիգոր Մագիստրոսը նշում է իր հօրը՝ Վասակին, պապին՝ Գրիգորին, գովաբանելով նրա ու կնոջ եկեղեցանուէր գործունէութիւնը՝ աւելացնելով. «Քանզի սոքա արծարծեցին զկարգ եւ զարեւոտութիւն մեծին Սահակայ՝ քոյնն անխնայն, եւ վանս նորագոյնս շինեալ բազումս եւ գաւերեալսն նորոգեալ, եւ այս անթիւս»<sup>74</sup>: Շարունակելով հեղինակն այս հատուածը եզրափակում է՝ ասելով. «Յայսմ հայրենի զարմէ եւ դու, ո՛չ միայն ազգաց հայր եւ թագաւոր յերկրի, այլ եւ թագաւորեալ յերկինս»<sup>75</sup>:

Այս նամակն ակներեւօրէն ցոյց է տալիս, որ Գրիգոր Մագիստրոսի համար շատ կարեւոր էր տոհմաբանական խնդիրը, որն ինչպէս շուտով կը տեսնենք, սոսկ փառասիրական հակում չէր:

Վերագառնալով Անիի կացութեանը՝ պէտք է նշենք, որ այստեղ անսպասելիօրէն ծանր վիճակի առաջ է յայտնուում Պետրոս կաթողիկոսը: Իասիտէսի՝ Դուինի ամիրայի դէմ կատարած ձախողուած արշաւանքից յետոյ նրան փոխարինում է

71 Մատենագիրք Հայոց, հտ. ԺԶ, էջ 63:  
72 Սամուէլ Անեցին միակ հեղինակն է, ով թէեւ շատ հակիրճ, բայց գրում է բիւզանդացիների մուտքից յետոյ քաղաքում տիրող խուճապային մթնոլորտի մասին, երբ քաղաքացիներն ու իշխանները փոխադարձ մեղադրանքներով, զրպարտանքներով ու անգութեամբ միմեանց կայսեր ձեռքն էին մատնում, եւ այդ բանասարկութիւնների ծիրի մէջ էր անել կաթողիկոսը: Այդ մեճից օգտուելով՝ բիւզանդացիները շատերին արստաքսում էին երկրից (Սամուէլ Անեցի եւ շարունակողներ, էջ 186-187, 395):

73 Մատենագիրք Հայոց, հտ. ԺԶ, էջ 259:  
74 Նոյն տեղում, էջ 261:  
75 Նոյն տեղում, էջ 262:

Կատակարոն Կեկամենոսը, ով բացայայտում է բիզանդական զաթողական քաղաքականութեան իրական դէմքը եւ, վկայակոչելով կայսերական հրամանը, քաղաքից հեռացնում է Պետրոսին. «...խաբանօք հանէ զնա ի քաղաքէն, ասելով եթէ հրամայեալ է քեզ թագաւորն տեղի բնակութեան ի Կարին գաւառի յԱրծին աւանի»<sup>76</sup>: Փաստորէն, Գագիկ Բ-ին գահից զրկելուց եւ Անին զաթելուց յետոյ բիզանդացիները ձեռնարկեցին Հայոց կաթողիկոսութիւնը կազմալուծելու գործը, որի առաջին քայլը կաթողիկոսին աթոռանիստ վայրից հեռացնելն էր:

Պետրոսը կանխագրում էր, որ կարող է այլեւս իրեն թոյլ չտրուել Անի վերադառնալ, ուստի կաթողիկոսական օժուժ ստացած խաչիկին թողնում է քաղաքում, նաեւ գաղտնի մեռն է օրհնում եւ թաքցնում, որ բիզանդացիների ձեռքը չընկնի<sup>77</sup>: Դրանից յետոյ Պետրոսը հանդիսաւոր շքախմբով ուղևորուում է Արծն: Սակայն արդէն մայրաքաղաքից հեռացած կաթողիկոսի հետ յոյները վարուում են առանց այլեւայլութիւնների: Ըստ Լաստիււերցու՝ Արծնում Աստուածայայտութեան տօնի օրը (1047 թ. յուն. 6) «հասին կալանաւորք»՝ Պետրոսին տանելով Կարինի բերդերից մէկը: Նաեւ անմիջապէս նրա քրոջ որդի խաչիկին էլ Անիից բերում են Սեւ Քար կոչուող բերդը: Նրանց արգելափակուած են պահում մինչեւ Զատիկ (1047 թ. ապրիլ), որից յետոյ տանում են Կոստանդնուպոլիս:

Կայսրութեան մայրաքաղաքում Պետրոսին պատշաճ ընդունելութեան են արժանացնում: Նա այստեղ պատուաւոր արտրականի վիճակում մնում է երեք տարի: Ի վերջոյ Ատոմ Արծրունու միջնորդութեամբ Պետրոսն իրաւունք է ստանում հեռանալ Կոստանդնուպոլիսից, եւ նրան թոյլ

76 Մատենագիրք Հայոց, հտ. ԺԶ, էջ 262:  
77 Մատթէոս Ուոհայեցի, էջ 114:

լատրուում է հաստատուել Սեբաստիայում, որտեղ մնում է մինչեւ կեանքի վերջը: Ըստ հութեան՝ բիզանդացիները Հայոց կաթողիկոսի հետ վարուում են այնպէս, ինչպէս մինչ այդ վարուել էին Հայկական մեծ ու փոքր թագաւորութիւնների տիրակալների հետ՝ նրանց հեռացնելով սեփական կալուածքներից ու բուն երկրից: Վարդան Արեւելցու դիպուկ ձեւակերպմամբ՝ բիզանդացիները վերացրին Անիի երկու պսակները՝ կաթողիկոսական եւ թագաւորական գահերը. «Յոյնք... վերացուցին ի նմանէ (Անիից - Կ. Մ.) դերկուսին պսակն՝ զգահ հայրապետութեան եւ զթագաւորութեան...»<sup>78</sup>:

Պետրոսի մահից յետոյ (1054 թ.) աթոռն անցնում է խաչիկ Անեցուն, ում բիզանդացիներն այդպէս էլ թոյլ չեն տալիս ոտք դնել հայրենի քաղաք եւ անցնում են բացայայտ հալածանքներին<sup>79</sup>: Նրանք նախ խաչիկ Անեցուն Սեբաստիայից տանում են Կոստանդնուպոլիս, ապա կողոպտում այնտեղ եւ Անիում գտնուող կաթողիկոսարանի գանձերը, անգամ ու մանց կտտանքների են ենթարկում՝ Պետրոսի գանձերի տեղն իմանալու համար<sup>80</sup>: Յոյներն աննախադէպ ճնշում են գործադրում խաչիկ կաթողիկոսի վրայ՝ դաւանաբանական ու նիւթական պահանջներ ներկայացնելով: Հայ ազնուականութեան ջանքերով յաջողուում է նրան դուրս բերել կայսրութեան մայրաքաղաքից եւ բնակութեան տեղ ապահովել Փոքր Հայքում՝ Թաւրուզում: Մի քանի տարի այստեղ բնակուելուց եւ 1064 թ. Անիի՝ սելջուկեան գրաւման ու աւերման կսկիծն ապրելուց յետոյ խաչիկ Անեցին վախճանուում է 1065

78 Վարդան Արեւելցի, Տիեզերական պատմութիւն (գրաբար տեքստը ըստ Վեցետիկի 1862 թ. տպագրութեան), Երևան, 2001, էջ 104:  
79 Այս մասին տե՛ս Կ. Մաթեոսեան, Աճի, էջ 44-47, 193-195:  
80 Արիստակէս Լաստիւերցի, էջ 82. Մատթէոս Ուոհայեցի, էջ 150:

թ.: Դրանից յետոյ բիզանդացիները դիմում են ծայրայեղ քայլի. Հայոց կաթողիկոսութիւնն ընդհանրապէս վերացնելու համար արգելում են նոր կաթողիկոսի ընտրութիւնը: Մի յիշատակարանի համաձայն՝ Կարսի վերջին թագաւոր Գագիկ Աբասեանը կաթողիկոսական ընտրութեան թոյլտուութեան համար Բիզանդիային է յանձնում իր թագաւորութիւնը<sup>81</sup>: Այլ աղբիւրներում նշուում է նաեւ նրա դստեր՝ Մարիամի՝ այդ ուղղութեամբ թափած ջանքերի մասին:

ԺԱՄԱՆԱԿԻ ՎԱԽՃԱՆԱԲԱՆԱԿԱՆ ԿԱՆԱՏԵՍՈՒՄՆԵՐԸ ԵՒ ԳՐԻԳՈՐ ՄԱԳԻՍՏՐՈՍԻ ԾՐԱԳԻՐԸ

Մեր քննած ժամանակաշրջանի բնորոշ յատկանիշներից մէկը Քրիստոսի Ծննդեան եւ խաչելութեան 1000-ամեակի լրման հետ կապուած վախճանաբանական միջնորդան էր, որը քրիստոնեայ հաւատացեալ ժողովրդի վրայ մեծ ազդեցութիւն էր գործում՝ ռամիկից մինչեւ թագաւոր: Աշխարհի մօտալուտ կործանման հին կանխատեսումներին աւելանում էին նորերը:

Անիում այս միտումներն արտայայտուում էին առաւել ակնառու կերպով: Գագիկ Ա թագաւորը քաղաքում կառուցում է Ս. Գրիգոր (Գագկաշէն) մեծադիր եկեղեցին Քրիստոսի Ծննդեան 1000-ամեակի առիթով («յայնմ ժամանակի, յորում ընոյր լրութեամբ ամն Ռ (1000) մարմնաւորոյ կամ մարդանալոյ Տեառն մերոյ...»)<sup>82</sup>: Նրա կիներ՝ Կատրամիդէն, մի քանի տարի անց Անիում աւարտում է Սմբատ Բ-ի հիմ-

նադրած Կաթողիկէն (Մայր տաճարը), իսկ թագաւորութեան նշանաւոր իշխանները նոյն շրջանում ջանադրաբար խոշոր վանքեր են հիմնադրում ու եկեղեցիներ կառուցում:

Վախճանաբանական տրամադրութիւնները, սակայն, ունենում են նաեւ այլ արդիւնք: Օրինակ՝ Վասպուրականի թագաւոր Սենեքերիմը տարուած էր զանազան մարգարէութիւններով, իսկ երբ սկսում է թուրքական ցեղերի ներխուժումը, նա խոր տրտմութեան մէջ է ընկնում՝ քննելով մարգարէների եւ վարդապետների գուշակութիւնները, կատարուածը համարում է գրքերում գրուած տեսիլների եւ գուշակութիւնների իրականացում եւ եղբակացնում, որ դա երկնային պատիժ է, որի առջեւ անգոր են: Ուստի որոշում է երկիրը յանձնել բիզանդացիներին ու գաղթել Սեբաստիա<sup>83</sup>:

Դրանից որոշ ժամանակ անց քաղաքական ճգնաժամի մէջ գտնուող Անիում վախճանաբանական տրամադրութիւնների խորացման առիթ են դառնում երկու անգամ տեղի ունեցած արեւի խաւարումն ու երկրաշարժը, որոնք ընկալուում են որպէս մօտալուտ դժբախտութիւնների նախանշան: Ինչպէս վերը նշեցինք, Անիի արքունիքում, ցանկանալով իմանալ կատարուածի իմաստը, դիմում են Յովհաննէս Տարօնացի Կողոտն վարդապետին: Պահպանուել է նրա տեսիլքի բնագիրը՝ «Պատմութիւն նշանաց, որ եղեն ի գուշակս առաջիկա աւուրցն, որ կատարեցաւ, ասացեալ սուրբ վարդապետին Յովհաննիսի Կողոտն՝ հայոց վարդապետի», որը որոշ խմբագրմամբ մէջբերում է նաեւ Մատթէոս Ուոհայեցին<sup>84</sup>: Դրանում նշուած է 1030 թուականը, եւ ասում է, որ Անիից գնացած իշխանները տեսնում են նրան գետնատարած ողբալիս, որից յետոյ վար-

81 «Արքայն Գագիկ մեծաւ ջանի գուն գործեալ եւ բազում ինչս ծախեաց եւ գկարս քաղաք իւր գաւառուն Յունաց տուեալ... եւ սպա կարաց խափանել գկամս անցա եւ էաո ի անցանէ հրաման հաստատել հայրապետ Հայոց» (Գ. Յովսէփեան, Յիշատակարանք ձեռագրաց, հտ. Ա, Անթիլիաս, 1951, էջ 419):

82 Ստեփանոս Տարօնցի Ասողիկ, Պատմութիւն տիեզերական, Մատենագիրք Հայոց, հտ. ԺԵ, Երևան, 2011, էջ 827:

83 Մատթէոս Ուոհայեցի, էջ 54-57:

84 Մատենագիրք Հայոց, հտ. ԺԶ, էջ 79-82:

դպպետը ներկայացնում է իր չարագուշակ կանխատեսումները (որ արձակուել են սատանայի կապանքները՝ «զոր կապեալ էր Քրիստոս իւր սուրբ մկրտութեամբն» եւ այլն): Վարդապետը չի մոռանում նաեւ քննադատել իր ժամանակի բարբերն ու անարդարութիւնները<sup>85</sup>:

Յովհաննէս Կոզեռնն առիթ ունեցաւ երկրորդելու իր գուշակութիւնները երեք տարի անց՝ Քրիստոսի խաչելութեան 1000-ամեակին: Այդ ժամանակ Սեւան մեկնած իշխանների մէջ յիշուում է նաեւ Գրիգոր Մագիստրոսը (այդ մասին նշել ենք վերեւում): Յատկանշական է, որ Յովհաննէս Կոզեռնի մոռալ կանխատեսումները խոր հետք են թողել Յովհաննէս Սմբատ թագաւորի վրայ<sup>86</sup>:

Հասկանալի է, որ այս մթնոլորտի մէջ գտնուելով՝ Գրիգորը նոյնպէս պիտի ազդուէր նմանօրինակ գուշակութիւններից: Հայ իրականութեան մէջ այդպիսի հիմնական տեսիլքներից մէկը՝ Գրիգոր Լուսաւորչի տոհմից սերող վերջին կաթողիկոս Սահակ Պարթեւի (387-436 թթ.) տեսիլքն է: Դրա մէջ, գալիք դժբախտութիւնների ներկայացումից բացի, նաեւ մարգարէութիւն է արւում հեռաւոր ապագայի մասին, որի մեկնութիւնը հետեւեալն է. Արշակունիների թագաւորութիւնն ու Գրիգոր Լուսաւորչի տոհմից հայրապետութիւնը պիտի դադարեն գոյութիւն ունենալուց, սակայն Հայոց աշխարհում փոթորիկների անցնելուց յետոյ կրկին Արշակունի տոհ-

85 Մատենագիրք Հայոց, հտ. ԺԶ, էջ 80-81:  
86 Այս եզրակացութեանն է յանգում Էդրա Վարդա-  
նեանը Յովհաննէս Սմբատի՝ Հոռոմոսի վանքում  
1038 թ. կառուցած Ս. Յովհաննէս եկեղեցու  
դամբարան-ժամատան գմբէթի մի մեծարժէք  
քանդակապատկերի ուսումնասիրութեամբ, որը  
բարդ յօրինուածք է՝ վախճանաբանական թեմա-  
յով, ու նաեւ հակաքրիստոսական ուղերձ է պա-  
րունակում: Յօդուածը տպագրուելու է Հոռոմոսի  
վանքին նուիրուած Monastery of Horomos: Art  
and History (ACHCByz, Paris) գրքում այս տարե-  
վերջին:

մից մէկը թագաւոր է դառնալու, եւ հայ-  
րապետական աթոռին նստելու է Գրիգոր  
Լուսաւորչի շառաւղից մէկը. «...դարձեալ  
յառնէ թագաւոր յագգէդ Արշակունեաց եւ Առ-  
րոգի աթոռ հայրապետութեան ի շառաւղէ  
սրբոյն Գրիգորի»<sup>87</sup>:

Գրիգոր Մագիստրոսն անկասկած ծա-  
նօթ էր այս մարգարէութեանը: Աւելին,  
այն յիշատակում է իր ծրագրային նամակ-  
ներից մէկում (Թուղթ ԺԸ), որտեղ Սարգիս  
Անեցուն ծանօթացնում է իր նպատակնե-  
րին: Նամակը գրուել է Գագիկ Բ-ի հետ  
գժտութեան շրջանում (հաւանաբար՝ 1043  
թ.): Մեղ հետաքրքրող հատուածի սկզբում  
Գրիգորը նշում է, որ թէեւ կարծես աշ-  
խարհի վերջը մօտեցել է՝ ըստ Դանիէլի  
մարգարէութեան, Սահակ (Իսահակ) Պար-  
թեւի տեսիլքի կամ Մովսէս Խորենացու  
ողբի, բայց ինքն իր կարողութեան չափով  
ջանք է թափել երկրի միասնութիւնը պահ-  
պանելու («ցանկակարկատ» լինելու) հա-  
մար, եւ ի հակադրութիւն պառակտող  
խրամատողների, փորձել է երկրի համալ-  
խնամակալ՝ հոգացող լինել: «Թէեւ ի վախ-  
ճան ժամանակի հասեալ հանդիպեցաք՝  
ըստ մարգարէութեանն Դանիէլի, եւ կամ  
ըստ մերոյն տեսեանն Իսահակայ սրբոյ եւ քա-  
հանայապետի, կամ ըստ սրբագանին Մով-  
սէսի յիւրում սքանչելի տախտակի մար-  
գարէական տառի, զողբս ի վերայ Հայաս-  
տանեայցս առնելով, սակայն, ըստ իմում  
կարի, ոչ անտեղի տեսի սուղ ինչ ցանկակար-  
կատ լինել, քանզի զայստիկ որ խրամա-  
տենն, քանզի՝ «որ քակէ զցանկ հայրենե-  
աւճ հարցէ զնա» (Ժող. Ժ 8), ըստ աս-  
տուածայնոյն մարգարէութեան տեսողի՝

87 Ղազար Փարպեցի, Պատմութիւն Հայոց.- Մա-  
տենագիրք Հայոց, հտ. Բ, Անթիլիաս, 2003, էջ  
2232: Տե՛ս նաեւ՝ Գ. Մորադեան, Սահակի տե-  
սիլը Ղազար Փարպեցու «Պատմութեան» մէջ,  
Լեւոն Խաչիկեան 90, Նիւթեր ծննդեան 90-ա-  
մեակին նուիրուած միջազգային գիտաժողովի  
Երեւան, 2010, էջ 193-201:

եւ սակս այս եւ ոչ խրամատել փութացայ,  
այլ խնամակալել»<sup>88</sup>:

1045 թ. յետոյ Հայաստանն արդէն  
յայտնուել էր միանգամայն նոր իրողու-  
թեան առջեւ. Անիում վերացած էր թագա-  
ւորութիւնը, երկրից հեռացուած ու մեկու-  
սացուած էր կաթողիկոսը, կազմալուծուած  
էր ազնուականական զինուժը: Վախճանա-  
բանական մոռալ կանխատեսումները կար-  
ծես իրականութիւն էին դարձել: Բայց,  
ինչպէս երեւում է, Գրիգոր Մագիստրոսը  
հաւատացել է Սահակ Պարթեւի տեսիլքի  
իրականացմանը՝ Պահլաւունեաց տոհմից  
նոր կաթողիկոսի ի յայտ գալուն, եւ փոր-  
ձել է նպաստել այդ կանխատեսման կա-  
տարմանը: Թերեւս այս է պատճառը, որ  
Անի-Շիրակից հեռու գտնուելով՝ նա որո-  
շակի մասնակցութիւն է ունենում այնտեղ  
ծաւալուող եկեղեցական կեանքին: Յայտ-  
նի է, որ նա այս շրջանում կայսերական  
ոսկեկնիք հրովարտակներով առանձնա-  
շնորհումներ է ձեռք բերում Մարմաշէնի  
եւ Կեչառիսի վանքերի համար<sup>89</sup>, նամա-  
կազրական կապ պահպանում իր նախկին  
աշակերտների, վանական յայտնի միաբա-  
նութիւնների եւ հեղինակաւոր հոգեւորա-  
կանների հետ, դպրոց բացելու երաշխաւո-  
րութեամբ Գրիգոր Հնձացի վարդապետին  
ուղարկում Կարսի Գագիկ Աբասեան թա-  
գաւորի մօտ եւ այլն: Իսկ Տարօնի ամե-  
նանշանաւոր Ս. Կարապետի վանքում իր  
Հրահատ գործակալի ձեռամբ կառուցել է  
տալիս գլխաւոր եկեղեցու ժամատունը եւ  
մի եկեղեցի՝ Ս. Գրիգոր անունով<sup>90</sup>: Հայ ե-  
կեղեցու միասնականութեանն ուղղուած  
Գրիգոր Մագիստրոսի ջանքերից պիտի  
համարել նաեւ նրա կոշտ պայքարը թոնդ-  
րակեցիների դէմ: Այս բոլոր գործերը նա  
կատարում էր արդէն որպէս Պահլաւունի,

Գրիգոր Լուսաւորչի տոհմի շառաւղի, եւ  
այդպէս էր ճանաչուում ու ընկալուում ամ-  
բողջ երկրում:

Գրիգոր Մագիստրոսի թղթերի մէջ  
կայ կարճ մի գրութիւն, որը նրա պատ-  
գամն է որդուն՝ «Առ վեստն Վահրամ, որ-  
դին իւր» (Թուղթ ԶԴ): Այն եօթը երկար  
տողերով ծայրակապ է, որոնցից առաջին  
վեցի սկզբնատառերով յօդուում է Վ.Ա.Հ.Ր.Ա.Մ  
անունը, իսկ բովանդակութեամբ՝ դրանք  
դրուատանքի ու խրատի խօսքեր են: Վեր-  
ջին տողը կարելի է համարել Գրիգոր Մա-  
գիստրոսի կտակը որդուն՝ «Եւ փոխաբէնս  
հայցես ի քէն զաւանդութիւնն մեր ոչ մոռանալ  
երբէք եւ գիտոյս սիրոյն առ Քրիստոս Աստուած  
մեր եւ զլոյս ճրագի նախնայն մերոյ ոչ շիջուցա-  
նել, զՊարթեւիս ասեմ՝ քոյոյ հաւուն»<sup>91</sup>:

Փաստօրէն, Գրիգոր Մագիստրոսը որ-  
դուն պատգամում է հայկական աւանդու-  
թիւնները երբեք չմոռանալ եւ իրենց  
նախնու՝ Գրիգոր Լուսաւորչի (որին Վահ-  
րամի պապ է կոչում) «ճրագի լոյսը չմա-  
րել»: Այս վերջին խօսքերն արդէն որոշա-  
կի պահանջ են, քանի որ ճրագը չմարել  
կամ վառ պահել Գրիգոր Լուսաւորչի պա-  
րագայում նշանակում է շարունակել նրա  
գործը՝ Հայոց կաթողիկոսութեան առաջ-  
նորդումը: Որդուն այս պատուիրանը տա-  
լուց առաջ Գրիգորն իր հերթին երկարա-  
տեւ եւ նպատակամղուած գործունէու-  
թեամբ կարողացել էր հայ հանրութեան  
սեփականութիւնը դարձնել Գրիգոր Լու-  
սաւորչի տոհմից Պահլաւունի կաթողիկոս  
ունենալու սահակապարթեւեան տեսիլքի  
գաղափարը: Այդ ծրագրի իրագործումը  
Գրիգոր Մագիստրոսը չտեսաւ, քանի որ  
մահկանացուն կնքեց 1056 կամ 1058 թ.:

Վահրամը հաւանօրէն հաշուի առել է  
հօր ցանկութիւնը, բայց չի բացառուում, որ  
այնքան էլ հակուած չէր աշխարհական  
իշխանի հազուատը փոխել կրօնական, թէ-  
կուզ՝ կաթողիկոսական հանդերձանքի

88 Մատենագիրք Հայոց, հտ. ԺԶ, էջ 296-297:  
89 Տե՛ս Մատենագիրք Հայոց, հտ. ԺԶ, էջ 328. Կ.  
Մարտինուեան, Անի-Շիրակի պատմութեան է-  
ջեր, էջ 138-149:  
90 Արիստակէս Լաստիւերցի, էջ 118:

91 Մատենագիրք Հայոց, հտ. ԺԶ, էջ 312:

հետ: Սամուելը Անեցու ժամանակագրութեան երկու ձեռագրերում եղած, վերջերս հրատարակուած յաւելումների մէջ ուշագրաւ տեղեկութիւն ենք գտնում Վահրամի՝ Հայրապետական աթոռին նստելու մասին. «Տէր Գրիգորիս որդի Գրիգորի Մագիստրոսի թողեալ զՀայրենի պատիւն, հետեւեցաւ կրօնաւորութեան եւ բռնադատեալ անտուցալ յաթոռ հայրապետութեան եւ Վկայասէր անուանեցաւ...»<sup>92</sup>: Միւս, աւելի հանգամանալից տեղեկութեան մէջ որպէս այս ձեռնարկի կազմակերպիչ եւ Վահրամիին փնտրող ու համոզող է հանդէս գալիս կարսի Գագիկ Աբասեան թագաւորի դուստր Մարիամը. «...վտարեցաւ աթոռ Հայրապետութեան ի Սեբաստիայ եւ խափանեցին Յոյնք ձեռնադրել կաթողիկոս Հայոց, մինչեւ Մարիամ՝ դուստր թագաւորին Գագիկ մեծաւ աղաչանաւք խնդրեաց յարքայէն Հռոմոց եւ նայ լուաւ աղաչանացն Մարիամու: Եւ առաքեաց Մարիամ, խնդրեաց եւ եգիտ գրիգորիս՝ գորդի Գրիգորի Մագիստրոսի՝ Պահլաւունի ազգաւ: Սա թողեալ զհայրենի պատիւն, կրանաւորութեան հետեւեցաւ եւ բռնադատեալ զսա բազում աղաչանաւք անտուցիս յաթոռ հայրապետութեան»<sup>93</sup>:

Այս ամէնից կարելի է եզրակացնել, որ Գրիգոր Մագիստրոսն այնքան հիմնաւոր հող էր նախապատրաստել Վահրամի կաթողիկոսացման համար, որ նրան այլ բան չէր մնում, քան, անգամ հօր մահից շուրջ 10 տարի անց, ենթարկուել նրա կամքին, քանի որ այն արդէն դարձել էր նաեւ Հանրային պահանջ: Այս ամէնի եկեղեցաբանական հիմնաւորումն էլ ձեւակերպել է Մատթէոս Ուռհայեցին՝ գրելով. «Չսա (Վահրամիին – Կ. Մ.) յայտնեաց Հո-

գիս Սուրբ Աստել յաթոռ Սուրբ Լուսաւորչի Գրիգորի՝ նախանույն իւրոյ...»<sup>94</sup>:

Վահրամը կաթողիկոս դարձաւ 1066 թ.՝ օծումից յետոյ Գրիգոր անունը ստանալով: Գրիգոր Լուսաւորչից յետոյ նա երկրորդ կաթողիկոսն էր այդ անունով: Գրիգոր Բ Վկայասէրի ժամանակ (1066-1105 թթ.) նրա համաձայնութեամբ կաթողիկոսական օծում ստացաւ նրա քրոջ որդին՝ Բարսեղ Ա Անեցին<sup>95</sup> (1081 թ.), որ Գրիգոր Բ-ից յետոյ ժառանգեց աթոռը (1105-1113 թթ.), բայց նաեւ մահուան մահճում գտնուող Վկայասէրի պատուէրանը ստացաւ, թէ իրենից յետոյ ում պիտի կաթողիկոսական գահը փոխանցուի Վկայասէրը Բարսեղի հոգեւոր խնամքի տակ: Վկայասէրը Բարսեղի հոգեւոր խնամքի տակ յանձնեց իր միւս քրոջ (եւ իշխան Ապիլիոսի) որդի Գրիգորին՝ յանձնարարելով, որ յաջորդ կաթողիկոսը նա պիտի դառնայ: Երբ 1113 թ. մի դժբախտ պատահարի հետեւանքով Բարսեղ Անեցին մահացաւ, վնասուածք ստացաւ, յիշեալ Գրիգորը դեռ շատ երիտասարդ էր (Մատթէոս Ուռհայեցու խօսքերով՝ «ի տղայութեան հասակն է»)՝<sup>97</sup> սակայն վերջինիս Պահլաւունի լինելն ու Վկայասէրի կամքն այնքան զօրեւոր նկատուեցին, որ նախ Բարսեղի ձեռքով եպիսկոպոսական ձեռնադրութիւն ստացաւ, իսկ կաթողիկոսի մահից յետոյ այդ վաղ տարիքում արժանացաւ կաթողիկոսական օծման:

Հայ եկեղեցու պատմութեան մէջ անխաղաղէպ երկար՝ 53 տարի գահակալեալ եւ Գրիգոր Գ Պահլաւունի (1113-1166 թթ.) անունով<sup>98</sup> յայտնի այս հայրապետից

94 Մատթէոս Ուռհայեցի, էջ 168:  
 95 Բարսեղ Ա Անեցու հայրը Կեչառիսը կառուցող Գրիգոր Ապիրատ Մագիստրոսի որդի Վասակէր, մայրը՝ Գրիգոր Մագիստրոսի դուստրը:  
 96 Մատթէոս Ուռհայեցի, էջ 326-327:  
 97 Նոյն տեղում, էջ 360:  
 98 Հայոց կաթողիկոսները սովորաբար մահուանուում են ըստ իրենց ծննդավայրի: Գրիգոր Գ-ի պատուէրով իր ժամանակագրութիւնը գրող Սամուել Անեցին նրա ծագման մասին նշում

92 Սամուել Անեցի եւ շարունակողներ, էջ 191: Տեղեկութիւնը Մատենադարանի թիւ 3613 ձեռագրից է:  
 93 Նոյն տեղում, էջ 190: Տեղեկութիւնը վեներական թիւ 959 ձեռագրից է:

տոյ (որի ժամանակ հաստատուն կաթողիկոսանիստ դարձաւ Կիլիկիայից արեւելք գտնուող Հռոմկլա ամրոցը), առանց յատուկ կաթողիկոսական ընտրութեան, աթոռն անցաւ նրա եղբորը՝ Ներսէս Դ Շնորհալուն (1166-1173 թթ.), այնուհետեւ՝ սրանց Վասիլ եղբոր որդի Գրիգոր Դ Տղային (1173-1193 թթ.), իսկ նրա մահից յետոյ՝ Վասիլի դստեր որդի Գրիգոր Ե Քարավէժին (1194 թ.): Նոյն տոհմից յաջորդ եւ վերջին կաթողիկոսն էլ Վասիլի եղբայր Զորավարի որդի Գրիգոր Զ Ապիրատն էր (1194-1203 թթ.)<sup>99</sup>: Հայոց կաթողիկոսական գահին Պահլաւունիների այս ժառանգականութեան շքերթը (որը քննադատուում էր ինչպէս երկրի ներսում, այնպէս էլ այլ եկեղեցիների կողմից), վերջ գտաւ միայն Կիլիկիայի Հայոց առաջին թագաւոր Լեւոն Ա-ի (1198-1219 թթ.) միջամտութեամբ<sup>100</sup>:

Ամփոփելով կարող ենք ասել, որ նախ Վահրամ սպարապետի եւ նրա եղբայր Աբղարիբ մարզպանի միջոցով բարձրաձայնուեց այս տոհմի Պահլաւունի եւ Գրիգոր Լուսաւորչի շառաւիղ լինելու մասին, որն աւելի հիմնաւորուեց ու տարածուեց գտաւ

Գրիգոր Մագիստրոսի ջանքերով: Անիի թագաւորութեան անկումից եւ կաթողիկոսական աթոռի տարագրումից յետոյ, բիւզանդացիների վստահութիւնը վայելող եւ Հայաստանում ազդեցիկ դիրք ունեցող Գրիգոր Մագիստրոսն աւելի նպատակաւորուած քայլերի դիմեց կաթողիկոսական աթոռի նկատմամբ Պահլաւունեաց տոհմի յաւակնութիւնն իրականութիւն դարձնելու ուղղութեամբ: Չնայած այդ մտայղացումը կեանքի կոչուեց Գրիգոր Մագիստրոսի մահից յետոյ, սակայն հէնց նրա որդու՝ Վահրամի աթոռակալութեամբ գործադրուեց շատ երկար ժամանակ, ընդհուպ մինչեւ ԺԳ դարի սկիզբը: Ընդհատ է, Վահրամ-Գրիգոր Վկայասէրի մահից յետոյ կաթողիկոսական աթոռն անցաւ միայն մայրական գծով Պահլաւունիներին (Գրիգոր Մագիստրոսի դստերի սերունդներին), ովքեր ոչ պատահականօրէն գահակալելիս հիմնականում Գրիգոր անունն էին կրում, սակայն իրողութիւնն այն է, որ վերջիններս ժառանգական աթոռակալութեան համար գլխաւոր յաղթանակը Պահլաւունի տոհմանունն էր:

«Վախճանեցաւ տէր Բարսիղ հայրապետն Հայոց, եւ յաջորդէ գաշտիճանն տէր Գրիգորիս մեծաշուք պատուով անտեալ յաթոռ վիճակի Սրբոյն Գրիգորի Հայաստանայցս լուսաւորչի, որ յազգէ Արրուն հարապատութեան ճանաչի» (Սամուել Անեցի եւ շարունակողներ, էջ 203):

99 Տոհմաձայն տե՛ս Ն. Ակիմեան, Աշխ., Աերդիր՝ 402, 403 էջերի միջեւ. Կ. Մաթեոսեան, Անի-Թիրակի պատմութեան էջեր, էջ 137:

100 Այս հարցի կապակցութեամբ ուշագրաւ դիտարկում է կատարել Գրիգոր Մագիստրոսը. «Հայրապետական աթոռի ժառանգական իրաւունքը փրկել է եկեղեցու անփրապետութիւնը շատ բարդ եւ խճճուած ժամանակաշրջանում: Կիլիկեան թագաւորութեան հաստատումը եւ արքունիքի կողքին եկեղեցական հաստատութեան առաջացումը անգործածական դարձրին հայրապետական աթոռի ժառանգական իրաւունքը» (Գ. Մագիստրոսեան, Աշխ., էջ 86):